

सिरि उसहदेव सामिस्स णमो । सिरि गोडी - जिराउला - सव्वोदयपासणाहाणं णमो । नमोऽत्थुणं समणस्स भगवओ महइ महावीर वद्धमाण सामिस्स । सिरि गोयम - सोहम्माइ सव्व गणहराणं णमो । सिरि सुगुरु - देवाणं णमो । **कुकु श्रीनिशीथसूत्रं- कुकु** भाष्ये पीठिकागाथाः ४८६ प्रक्षिप्ताः १०' जे भिक्खू हत्थकम्मं करेइ करंतं वा साइज्जइ '५५१' ।१। जे भिक्खू अइगादाणं कट्टेण वा कलिञ्जेण वा सलागाए वा संचालइ संचालंतं सा० '५८६' ।२। जे० संबाहेज्ज वा पलिमहेज्ज वा संबाहंतं वा पलिमदंतं वा सा० ।३। जे० तेल्लेण वा घएण वा वसाए वा नवणीएण वा अब्भंगेज्ज वा मक्खेज्ज वा अब्भंगंतं मक्खंतं वा सा० ।४। जे० कक्केण वा लोद्धेण वा पउमचुण्णेण वा णहाणेण वा सिणाणेण वा चुण्णेहि वा वण्णेहि वा उव्वट्टेइ वा परिवट्टेइ वा उव्वट्टंतं वा परिवट्टंतं वा सा० ।५। जे० सीओदगवियडेण वा उसिणोदगवियडेण वा उच्छोलेज्ज वा पघोएज्ज वा उच्छोलंतं वा पघोवंतं वा सा० ।६। जे० निच्छल्लेइ वा निच्छल्लंतं वा सा० ।७। जे० जिग्घइ जिग्घंतं वा सा० '५९०' ।८। जे० अन्नयरंसि अचित्तंसि सोयंसि अणुपवेसेत्ता सुक्कपोग्गले निग्घायइ निग्घायंतं वा सा० '६०३' ।९। जे भिक्खू सचित्तपइट्ठियं गंधं जिग्घइ जिग्घंतं वा सा० '६०८' ।१०। जे भिक्खू पयमग्गं वा संकमं वा अवलंबणं वा '६१९' ।११। जे० दगवीणियं '६२९' ।१२। जे० सिक्कगं वा सिक्खगणंतं वा '६४१' ।१३। जे० सोत्तियं वा रज्जुयं वा चिलिमिणिं वा '६५१' ।१४। जे० सूईए ।१५। पिप्पलगस्स ।१६। नहच्छेयणगस्स ।१७। कण्णसोहणगस्स उत्तरकरणं अम्मउत्थिएणं वा गारत्थिएण वा कारेइ कारंतं वा सा० '६६५' ।१८। जे० अण्णट्टाए सूइं ।१९। पिप्पलगं ।२०। नहच्छेयणगं ।२१। कण्णसोहणगं जायइ जायंतं वा सा० '६५८' ।२२। जे भिक्खू अविहीए सूइं जाव जायइ जायंतं वा सा० '६६०' ।२३-२६। जे भिक्खू अप्पणो एगस्स अट्टाए सूइं जाइत्ता अन्नमन्नस्स अणुप्पदेइ अणुप्पदेतं वा सा० ।२७-३०। जे भिक्खू पडिहारियं सूइं जाइत्ता 'वत्थं सिव्विस्सामि' त्ति पायं सिव्वइ सिव्वंतं वा सा० ।३१।० पिप्पलगं जाइत्ता 'वत्थं छिंदिस्सामि' त्ति पायं छिंदइ छिंदंतं वा सा० ।३२।० नहच्छेयणगं जाइत्ता 'नहं छिंदिस्सामि' त्ति सल्लुद्धरणं करेइ करंतं वा सा० ।३३।० कण्णसोहणगं जाइत्ता 'कण्णमलं नीहरिस्सामि' त्ति दन्तमलं वा नहमलं वा नीहरइ नीहरंतं वा सा० '६६२' ।३४। जे भिक्खू अविहीए सूइं पच्चप्पिणइ पच्चप्पिणंतं वा सा० '६७२' ।३५-३८। जे भिक्खू लाउपायं वा दारूपायं वा मट्ठियापायं वा अन्नउत्थिएण वा गारत्थिएण वा परिघट्टावेइ वा संठवेइ वा जमावेइ वा अलमप्पणो करणयाए सुट्टुमवि नो कप्पइ जायमाणे सरमाणे अन्नमन्नस्स वियरइ वियरंतं वा सा० '६८६' ।३९। जे० दण्डयं वा लट्ठियं वा अवलेहणियं वा वेणुसूइयं वा अन्नउत्थिएण वा गारत्थिएण वा परिघट्टावेइ सो चेव मग्गिल्लओ गमओ अणुगंतव्वो जाव (पायं तइडेति) सा० '७०८' ।४०। जे० पायस्स एक्कं तुडियं तइडेइ तइडंतं वा सा० '७१४' ।४१।० पायस्स परं तिण्हं तुडियाणं तइडेइ तइडंतं वा सा० '७१९' ।४२। जे० पायं अविहीए बंधइ बंधंतं वा सा० '७२६' ।४३। जे० पायं एणेणं बंधेणं बंधइ बंधंतं वा सा० '७३१' ।४४। जे० पायं परं तिण्हं बंधाणं बंधइ बंधंतं वा सा० '७३६' ।४५। जे० अइरेगबंधणं पायं दिवइढाओ मासाओ परेण धरेइ धरंतं वा सा० '७४५' ।४६। जे० वत्थस्स एणं पडियाणियं देइ देतं वा सा० '७६२' ।४७। जे० वत्थस्स परं तिण्हं पडियाणियाणं देइ देतं वा सा० '७६७' ।४८। जे० अविहीए वत्थं सिव्वइ सिव्वंतं वा सा० '७७४' ।४९। जे० वत्थे एणं फालियगण्ठियं करेइ करंतं वा सा० '७७७' ।५०। जे० वत्थे परं तिण्हं फालियगण्ठियाणं करेइ करंतं वा सा० ।५१। जे० वत्थे एणं फालियं गण्ठेइ गंठंतं वा सा० ।५२। जे० वत्थे परं तिण्हं फालियाणं गंठेइ गंठंतं वा सा० ।५३। जे० वत्थं अविहीए गंठेइ गंठंतं वा सा० '७७८' ।५४। जे० वत्थं अतज्जाएणं गाहेइ गाहंतं वा सा० '७८१' ।५५। जे० अइरेगगहियं वत्थं परं दिवइढाओ मासाओ धरेइ धरंतं वा सा० '७८७' ।५६। जे० गिहधूमं अन्नउत्थिएण वा गारत्थिएण वा परिसाडावेइ परिसाडेतं वा सा० '७९३' ।५७। जे० पूइकम्मं भुंजइ भुंजंतं वा साइज्जइ, तं सेवमाणे आवज्जइ मासियं परिहारट्टाणं अणुवग्घाइयं '८०४।५८ **☆☆☆॥ पढमो उद्देसओ समत्तो ॥☆☆☆** जे भिक्खू दारूदंडगं पायपुंछणं करेइ करंतं वा सा० '१८' ।१। जे० गिण्हइ गिण्हंतं वा सा० ।२।० धरेइ धरंतं वा सा० ।३।० वियरइ वियरंतं वा सा० ।४।० परिभाएइ परिभायंतं वा सा० ।५।० परिभुअइ परिभुंजंतं वा सा० '२१' ।६। जे० परं दिवइढाओ मासाओ

सोऽन्य :- प.पू. विदुषी साध्वीश्री याज्ञलताश्रीञ्ज नी प्रेरणाथी मुलुन्ड श्वे. मू. जैन संघ

धरेइ धरंतं वा सा० '२८'।७। जे० विसुयावेइ विसुयावेतं वा सा० '३६'।८। जे भिक्खू अचित्तपइट्टियं गंधं जिग्घइ जिग्घंतं वा सा० '३८'।९। जे० पयमग्गं वा संकमं वा अवलंबणं वा ।१०। जे० दगवीणियं ।११। सिक्कणं वा सिक्कणंतं वा ।१२। सोत्तियं वा रज्जुयं वा (चिलिमिणिं वा) करेइ करंतं वा सा० ।१३। जे० सूईए ।१४। पिप्पलगस्स ।१५। नहच्छेयणगस्स ।१६। कण्णसोहणगस्स उत्तरकरणं सयमेव करेइ करंतं वा सा० '५६'।१७। जे भिक्खू लहुस्सगं फरूस्सं वयइ वयंतं वा सा० '७९'।१८। जे० मुसं वयइ वयंतं वा सा० '९०'।१९। जे० अदत्तं आइयइ आइयंतं वा सा० '९९'।२०। जे भिक्खू लहुस्सएण सीओदगवियडेण वा उसिणोदगवियडेण वा हत्थाणि वा पायाणि वा कण्णाणि वा अच्छीणि वा दन्ताणि वा नहाणि वा मुहं वा उच्छोलेज्ज वा पच्छोलेज्ज वा उच्छोलंतं वा पच्छोलंतं वा सा० '११७'।२१। जे० कसिणाइं चम्माइं धरेइ धरंतं वा सा० '१५२'।२२। कसिणाइं वत्थाइं '१७७'।२३। अभिन्नाइं वत्थाइं ।२४। लाउयपायं वा दारूपायं वा मट्टियापायं वा सयमेव परिघट्टइ वा संठवेइ वा जवेइ वा परिघट्टंतं वा जाव जवेतं वा सा० '१८०'।२५। दंडगं वा लट्टियं वा अवलेहणं वा वेणुसूइयं वा ।२६। जे० नियगवेसियं पडिग्गहं धरेइ धरंतं वा सा० '१९४'।२७। जे० परगवेसियं ।२८। वरगवेसियं ।२९। बलगवेसियं '२०४'।३०। लवगवेसियं '२१०'।३१। जे भिक्खू नितियं अग्गपिंडं भुंजइ भुंजंतं वा सा० '२१९'।३२। पिंडं ।३३। अवड्ढं ।३४। भागं ।३५। उवड्ढभागं ।३६। वासं वसइ वसंतं वा सा० २३६'।३७। जे भिक्खू पुरेसंथवं वा पच्छासंथवं वा करेइ करंतं वा सा० '२६५'।३८। जे० समाणे वा वसमाणे वा गामाणुगामं दूइज्जमाणे पुरेसंथुइयाणि वा पच्छासंथुइयाणि वा कुलाइं पुव्वामेव पच्छा वा भिक्खायरियाए अणुपविसइ अणुपविसंतं वा सा० '१९१'।३९। जे भिक्खू अन्नउत्थिएण वा गारत्थिएण वा परिहारिओ वा अपरिहारिएण सद्धिं गाहावइकुलं पिंडवायपडियाए अणुपविसइ वा निक्खमइ वा अणुपविसंतं वा निक्खमंतं वा सा० '३०६'।४०। जे० बहिया विहारभूमिं वा वियारभूमिं वा निक्खमइ वा पविसइ वा निक्खमंतं वा पविसंतं वा सा० '३१४'।४१। जे० गामाणुगामं दूइज्जइ दूइज्जंतं वा सा० '३२२'।४२। जे० भिक्खू अन्नयरं भोयणजायं पडिग्गाहेत्ता सुब्धिं सुब्धिं भुज्जइ० दुब्धिं दुब्धिं परिट्टवेइ परिट्टवंतं वा सा० ।४३। जे० अन्नयरं पाणगजायं पडिग्गाहेत्ता पुप्फगं पुप्फगं आइयइ० कसायं कसायं परिट्टवइ परि० सा० '३३३'।४४। जे० मणुन्नं भोयणजायं पडिग्गाहेत्ता बहुपरियावन्नं सिया अदूरे तत्थ साहम्मिया संभोइया समणुन्ना अपरिहारिया संता परिवसन्ति ते अणापुच्छित्ता अनिमंतिय परिट्टवइ परिट्टवंतं वा सा० '३४८'।४५। जे० सागारियपिंडं गिणहइ गिणहंतं वा सा० ।४६। जे० भुंजइ भुंजंतं वा सा० '४१५'।४७। जे० सागारियं कुलं अजाणिय अपुच्छिय अगवेसिय पुव्वामेव पिंडवायपडियाए अणुपविसइ अणुपविसंतं वा सा० '४२०'।४८। जे० सागारियनिस्साए असणं वा पाणं वा खाइमं वा साइमं वा ओभासिय जायइ जायंतं वा सा० '४२७'।४९। जे० उडुबद्धियं वा सेज्जासंथारगं परं पज्जोसवणाओ उवाइणावेइ उवायणावेतं वा सा० '४५७'।५०। जे० वासावासियं सेज्जासंथारगं परं दसरायकप्पाओ० '४९४'।५१। उडुबद्धियं वा वासावासियं वा सेज्जासंथारगं उवरिसिज्जमाणं पेहाए न ओसारेइ न ओसारंतं वा सा० '५००'।५२। जे० पाडिहारियं सेज्जासंथारगं दोच्चंपि अणुन्नवेत्ता बाहिं नीणेइ नीणंतं वा सा० ।५३। जे० सागारियसंतियं ।५४। जे० पाडिहारियं वा सागारियसंतियं वा '५१३'।५५। जे० पाडिहारियं सेज्जासंथारगं आयाए अपडिहट्टु संपव्वइ संपव्वयंतं वा सा० '५२३'।५६। जे० सागारियसंतियं सेज्जासंथारगं आयाए अविगरणं कट्टु अणप्पिणित्ता संपव्वयइ संपव्वयंतं वा सा० '५२७'।५७। जे० पाडिहारियं वा सागारियसंतियं वा सेज्जासंथारगं विप्पणट्टं न गवेसइ णगवेसंतं वा सा० '६००'।५८। जे० इत्तिरियंपि उवहिं न पडिलेहेइ न पडिलेहंतं वा सा०, तं सेवमाणे आवज्जइ मासियं परिहारट्टाणं उग्घाइयं ।५९☆☆☆॥ **विइओ उद्देसओ २** ॥☆☆☆ जे भिक्खू आगंतागारेसु वा आरामागारेसु वा गाहावइकुलेसु वा परियावहेसु वा अन्नउत्थियं वा गारत्थियं वा असणं वा० ओभासइ ओभासंतं वा सा० ।१। अन्नउत्थिया वा गारत्थिया वा० ।२। अन्नउत्थिणिं वा गारत्थिणिं वा० ।३। अन्नउत्थिणीओ वा गारत्थिणीओ वा० ।४। '११' जे० अन्नउत्थियं वा गारत्थियं वा कोऊहलपडियाए पडियागयं समाणं असणं वा० ओभासियं ओभासिय जायइ जायंतं वा सा०, एवं एतेणावि चत्तारि गमगा '२०'।५-८। जे० अन्नउत्थिएण वा गारत्थिएण वा असणं वा० अभिहडं आहट्टु दिज्जमाणं पडिसेहेत्ता तमेव अणुवत्तिय २ परिवेढिय २ परिजविय २

ओभासिय २ जायइ जायंतं वा सा०, एवं एतेण चैव चत्तारि गमगा '२७' ।९-१२। जे० गाहावइकुलं पिण्डवायपडियाए पविट्टे पडियाइक्खित्ते समाणे दोच्चं तमेव कुलं अणुपविसइ अणुपविसंतं वा सा० '३३' ।१३। जे० संखडिपलोयणाए असणं वा० पडिगाहेइ पडिगाहंतं वा सा० '४५' ।१४। जे० गाहावइकुलं पिण्डवायपडियाए अणुपविट्टे समाणे परं तिघरंतराओ असणं वा० अभिहडं आहट्टु दिज्जमाणं पडिगाहेइ पडिगाहंतं वा सा० '५३' ।१५। जे भिक्खू अप्पणो पाए आमज्जेज्ज वा पमज्जेज्ज वा आमज्जंतं वा पमज्जंतं वा सा० '५७' ।१६। जे० संबाहेज्ज वा पलिमहेज्ज वा संबाहंतं वा पलिमहंतं वा सा० ।१७।० तेल्लेण वा घएण वा वसाए वा नवणीएण वा मक्खेज्ज वा भिलिङ्गेज्ज वा ममक्खंतं वा भिलिंगंतं वा सा० ।१८।० लोद्धेण वा कक्केण वा उल्लोलेज्ज वा उव्वट्टेज्ज वा उल्लोलंतं वा उव्वट्टंतं वा सा० ।१९।० सीओदगवियडेण वा उसिणोदगवियडेण वा उच्छोलेज्ज वा पधोएज्ज वा उच्छोलंतं वा पधोयंतं वा सा० ।२०।० फुमेज्ज वा रएज्ज वा फुमंतं रयंतं वा सा० '६२' ।२१। जे भिक्खू अप्पणो कायं आमज्जेज्ज वा पमज्जेज्ज वा आमज्जंतं वा पमज्जंतं वा सा०, एतेणं अभिलावेणं सो चैव गमो भाणियव्वो जाव रयंतं वा सा० '६३' ।२२-२७। जे भिक्खू अप्पणो कायस्स वणेवि ते चैव '७२' ।२८-३३। जे भिक्खू अप्पणो कायंसि गंडं वा पिलगं वा अरइयं वा असियं वा भगंदलं वा अन्नयरेणं तिकखेणं सत्थजाएणं अच्छिदेज्ज वा विच्छिदेज्ज वा अच्छिदंतं वा विच्छिदंतं वा सा० ।३४।० अच्छिदित्ता वा विच्छिदित्ता वा पूयं वा सोणियं वा नीहरेज्ज वा विसोहेज्ज वा णीहरंतं वा विसोहंतं वा सा० ।३५।० अच्छिं० विच्छिं० नीहरित्ता विसोहेत्ता सीओदगवियडेण वा उसिणोदगवियडेण वा पच्छोलेज्ज वा पधोएज्ज वा उच्छोलंतं वा पधोवंतं वा सा० ।३६।० अच्छिं० पधोइत्ता अन्नयरेणं आलेवणजाएणं आलिपेज्ज वा विलिपेज्ज वा आलिपंतं वा विलिपंतं वा सा० ।३७।० अच्छिं० विलिपित्ता तेल्लेण वा घएण वा वसाए वा नवणीएण वा अब्भङ्गेज्ज वा मक्खेज्ज वा अब्भगंतं वा मक्खंतं वा सा० ।३८।० अच्छिं० मक्खेत्ता अन्नयरेण धूवणजाएण धूवेज्जवा पधूवेज्ज वा धूवंतं वा पधूवंतं वा सा० ।३९। जे भिक्खू अप्पणो पाउकिमियं वा कुच्छिकिमियं वा अङ्गुलिए निवेसिय निवेसिय नीहरइ नीहरंतं वा सा० '७६' ।४०। जे० दीहाओ नहसिहाओ कप्पेज्ज वा संठवेज्ज वा कप्पंतं वा संठवंतं वा सा० ।४१।० दीहाइं जङ्घरोमाइं ।४२।० वत्थि० ।४३।० चक्खु० ।४४।० कक्खु० ।४५।० मंसु० ।४६।० दन्ते आघंसेज्ज वा पघंसेज्ज वा आघसंतं वा पघसंतं वा सा० ।४७।० उच्छोलेज्ज वा पधोएज्ज वा उच्छोलंतं वा पधोयंतं वा सा० ।४८।० फुमेज्ज वा रएज्ज वा फुमंतं वा रयंतं वा सा० ।४९। उट्टे आमज्जेज्ज वा पमज्जेज्ज वा, एवं ओट्टे पायगमो भाणियव्वो जाव फुमेज्ज वा रएज्ज वा ।५०-५५। जे० दीहाइं उत्तरोट्टरोमाइं कप्पेज्ज वा संठवेज्ज वा कप्पंतं वा संठवंतं वा सा० ।५६।० अच्छिपत्ताइं ।५७।० अच्छीणि आमज्जेज्ज वा एवं अच्छीसु पायगमो भाणियव्वो जाव रएज्ज वा ।५८-६३।० दीहाइं भुमगरोमाइं ।६४।० पासरोमाइं कप्पेज्ज वा संठवेज्ज वा कप्पंतं वा संठवंतं वा सा० ।६५।० अच्छिमलं वा कणमलं वा दन्तमलं वा नहमलं वा नीहरेज्ज वा विसोहेज्ज वा णीहरंतं वा विसोहंतं वा सा० ।६६।० कायाओ सेयं वा जल्लं वा पङ्कं वा मलं वा० ।६७। जे भिक्खू गामाणुगामं दुइज्जमाणे अप्पणो सीसदुवारियं करेइ करंतं वा सा० ।६८। जे० सणकप्पासओ वा उण्णक० वा पोण्डक० वा अमिलक० वा वसीकरणसोत्तियं करेइ करंतं वा सा० ।६९। जे० गिहंसि वा गिहमुहंसि वा गिहदुवारियंसि वा गिहपडिदुवारंसि वा गिहेलुयंसि वा गिहंगंसि वा गिहवच्चंसि वा उच्चारं वा पासवणं वा परिट्टवेइ परिट्टवंतं वा सा० ।७०।० मडगगिहंसि वा मडगच्छारियंसि वा मडगथूभियंसि वा मडगआसयंसि वा मडगलेणंसि वा मडगथण्डिलंसि वा मडगवच्चंसि वा० ।७१।० इङ्गालदाहंसि वा खारदाहंसि वा गायदाहंसि वा तुसदाहंसि वा ऊसदाहंसि वा० ।७२।० आययणंसि वा पंकंसि वा पणगंसि वा० ।७३। नवियासु वा गोलहणियासु नवियासु वा मट्टियाखाणीसु परिभुज्जमाणियासु वा अपरिभुज्जमाणियासु वा० ।७४।० उंबरवच्चंसि वा नग्गोहवच्चंसि वा आसत्थ० वा पिलंखु० वा डाग० वा० ।७५।० इक्खुवणंसि वा सालिवणंसि वा कुसुंभवणंसि वा कप्पासवणंसि० ।७६।० डागवच्चंसि वा साग० वा मूलय० वा कोत्थुंवरि० वा खार० वा जीरिय० वा दमणग० वा मरुग० वा० ।७७।० असोगवणंसि वा सत्तिवणवणंसि वा चंपगवणंसि वा चूयवणंसि वा अन्नयरेसु वा तहप्पगारेसु पत्तो वएसु पुप्फोवएसु फलोवएसु छाओवएसु० '१०६' ।७८।० सपायंसि वा परपायंसि वा दिया वा राओ वा वियाले वा उब्बाहिज्जमाणे सपायं गहाय परपायं वा जाइत्ता उच्चारपासवणं परिट्टवेत्ता अणुग्गए सूरिये एडेइ

एडंतं वा वा० '११७' तं सेवमाणे आवज्जइ मासियं परिहारट्टाणं उग्घाइयं ।७९ **☆☆☆** ॥ तइओ उद्देसओ ३ ॥ **☆☆☆** जे भिक्खू रायं अत्तीकरेइ अत्तीकरंतं वा सा०,० अच्चीकरेइ अच्चीकरंतं वा सा०, ० अत्थीकरेइ अत्थीकरंतं वा सा० '२८' ।१-३। एवं रायारक्खियं ।४-६। नगरारक्खियं ।७-९। निगमारक्खियं ।१०-१२। देसारक्खियं ।१३-१५। सव्वारक्खियं '२८' ।१६-१८।० कसिणाओ ओसहीओ आहारेइ आहारंतं वा सा० '३७' ।१९।० आयरियउवज्झाएहिं अविइच्चं विगइं आहारेइ आहारंतं वा सा० '६२' ।२०।० ठवणकुलाइं अजाणिय अणुच्छिय अगवेसिय पुव्वामेव पिण्डवायपडियाए अणुपविसइ अणुपविसंतं वा सा० '१०९' ।२१।० निग्गन्थीणं उवस्सयंसि अविहीए अणुपविसइ अणुपविसंतं वा सा० '२२२' ।२२।० निग्गन्थीणं आगमणपहंसि दण्डगं वा लट्ठियं वा रयहरणं वा मुहपोत्तियं वा अन्नयरं वा उवगरणजायं ठवेइ ठवंतं वा सा० '२३३' ।२३।० नवाईं अणुप्पन्नाइं अहिगरणाइं उप्पाएइ उप्पायंतं वा सा० '२५३' ।२४।० पोरणाइं अहिगरणाइं खामियविउसमियाइं पुणो उदीरेइ उदीरंतं वा सा० '२५८' ।२५।० मुहविप्फालियं हसइ हसंतं वा सा० '२६३' ।२६।० पासत्थस्स संघाडयं देइ पडिच्छइ देन्तं वा पडिच्छंतं वा सा० ।२७-२८। एवं ओसन्नस्स ।२९-३०। कुसीलस्स ।३१-३२। नितियस्स ।३३-३४। संसत्तस्स '२८३' ।३५-३६।० उदउल्लेण वा ससिणिद्धेण वा हत्थेण वा दव्वीए वा भायणेण वा असणं वा० पडिगाहेइ पडिगाहंतं वा सा० ।३७। एवं एकवीसं हत्था भाणियव्वा (दशवै० ५ अ० ३२३३-३४-३५) ससरक्खेण वा मट्ठियासंसट्ठेण वा ऊसासं० वा लोणियसं० वा हरियालसं० वा मणोसिलासं० वा वणियसं० वा गेरूयसं० वा सेडियसं० वा सोरट्ठियसं० वा हिङ्गुलगसं० वा अञ्जणसं० वा लोद्धसं० वा कुक्कुससं० वा पिट्ठसं० वा कंतवसं० वा कंदमूलसं० वा सिङ्गबेरसं० वा पुप्फगसं० वा उक्कुट्ठसं० वा हत्थेण वा० '२८९' ।३८।० गामारक्खियं अत्तीकरेइ अच्चीकरेइ अत्थीकरेइ करंतं वा सा० एवं सो चेव रायगमो णेयव्वो ।३९-४१।० देसारक्खियं० ।४२-४४।० सीमारक्खियं० ।४५-४७।० रणारक्खियं० ।४८-५०।० सव्वारक्खियं० '२९०' ।५१-५३।० अन्नमन्नस्स पाए एवं तइयउद्देसगमेण णेयव्वं जाव गामाणुगामं दुइज्जमाणो अन्नमन्नस्स सीसदुवारियं करेइ करंतं वा सा० '२९१' ।५४-१०६।० साणुप्पाए उच्चारपासवणभूमिं न पडिलेहेइ नपडिलेहंतं वा सा० '२९५' ।१०७।० तओ उच्चारपासवणभूमिओ न पडिलेहेइ नपडिलेहंतं वा सा० '२९९' ।१०८।० खुड्डागंसि थण्डिलंसि उच्चारपासवणं परिट्ठवइ परिट्ठवंतं वा सा० '३०४' ।१०९।० उच्चारपासवणं अविहीए परिट्ठवेइ परिट्ठवंतं वा सा० '३०७' ।११०।० उच्चारपासवणं परिट्ठवेत्ता न पुच्छंइ नपुच्छंतं वा सा० ।१११।० कट्ठेण वा कलिश्रेण वा अङ्गुलियाए वा सलागाए वा पुच्छइ पुच्छंतं वा सा० ।११२।० नायमइ नायमंतं वा सा० ।११३।० तत्थेव आयमइ आयमंतं वा सा० ।११४।० अतिदूरे आयमइ आयमंतं वा सा० ।११५। जे भिक्खू परं तिण्हं नावापूराणं आयमइ आयमंतं वा सा० '३१७' ।११६।० अपरिहारिणं परिहारियं बुया-एहि अज्जो ! तुमं च अहं च एगओ असणं वा० पडिग्गाहेत्ता तओ पच्छा पत्तेयं पत्तेयं भोक्खामो वा पाहामो वा, जो तमेवं वयइ वयंतं वा सा०, तं सेवमाणे आवज्जइ मासियं परिहारट्टाणं उग्घाइयं '३२९' ।११७

**☆☆☆** ॥ चउत्थो उद्देसओ ४ ॥ **☆☆☆** जे भिक्खू सचित्तरूक्खमूलंसि ठिच्चा आलोएज्ज वा पलोएज्ज वा आलोयंतं वा पलोयंतं वा सा० ।१। जे० सचित्तरूक्खमूले ठाणं वा सेज्जं वा निसीहियं वा चेएइ चेत्यंतं वा सा० ।२।० सचित्तरूक्खमूलंसि ठिच्चा असणं वा० आहारेइ आहारंतं वा सा० ।३।० उच्चारपासवणं परिट्ठवेइ परिट्ठवंतं वा सा० '२९' ।४।० (२३८) सज्झायं करेइ करंतं वा सा० ।५।० उद्दिसइ उद्दिससंतं वा सा० ।६।० समुद्दिसइ समुद्दिसंतं वा सा० ।७।० अणुजाणइ अणुजाणंतं वा सा० ।८।० वाएइ वायंतं वा सा० ।९।० पडिच्छइ पडिच्छंतं वा सा० ।१०।० परियट्ठेइ परियट्ठंतं वा सा० '३६' ।११। जे भिक्खू अप्पणो संघाडिं अन्नउत्थिएण वा गारत्थिएण वा सिव्वावेइ सिव्वावंतं वा सा० '४५' ।१२।० अप्पणो संघाडीए दीहसुत्ताइं करेइ करंतं वा सा० '५०' ।१३।० पिउमंदपलासयं वा पडोलप० वा बिल्लप० वा सीओदगवियडेण वा उस्सिणोदगवियडेण वा संफाणिय संफाणिय आहारेइ आहारंतं वा सा० '५९' ।१४।० पडिहारियं पायपुच्छणयं जाइत्ता तामेव रयणिए पच्चप्पिणइस्सामित्ति सुए पच्चप्पिणइ पच्चप्पिणंतं वा सा० ।१५।० पडिहारियं पायपुच्छणयं जाइत्ता सुए पच्चप्पिणइस्सामित्ति तमेव रयणिं पच्चप्पिणइ पच्चप्पिणंतं वा सा० ।१६। एवं सागारियसंतिएवि जे पायपुच्छणयं जाइत्ता दो आलावग्गा ।१७-१८।० पाडिहारियं दण्डयं वा लट्ठियं वा अवलेहणिज्जं



वा वेलुसूइं वा एवं एतेहिं दोहिं चैव पाडिहारियं सागारियं गमएहिं णेयव्वा ।१९.२२।० पाडिहारियं सेज्जासंथारगं पच्चप्पिणित्ता दोच्चंपि अणुणुविय अहिट्टेइं अहिट्टंतं वा सा० '८१'।२३। एवं सागारियसंतिएवि ।२४। जे० पाडिहारियं वा सागारियसंतियं वा सेज्जासंथारयं अप्पच्चप्पिणित्ता अणुणुविय अहिट्टेइ अहिट्टंतं वा सा०।२५।० सणकप्पासाओ वा पोण्डक० वा उण्णक० वा अमिलक० वा दीहसुत्ताइं करेइ करंतं वा सा० '११२'।२६।० सचित्ताइं करेइ धरेइ परिभुंजइ करंतं वा सा० ।२७-२९। एवं चित्ताइं ।३०-३२। विचित्ताणि दारूदण्डाणि वा वेलुदण्डाणि वा वेत्तदं० वा करेइ करंतं वा सा० एवं धरेइ धरंतं वा सा० परिभुंजइ परिभुजंतं वा सा० '१२०' ।३३-३५। जे० नवगनिवेसंसि गामंसि वा जाव संनिवेसंसि वा अणुपविसित्ता असणं वा० पडिगाहेइ पडिगाहंतं वा सा० ।३६।० नवगनिवेसंसि अयागरंसि वा तंबागरंसि वा तउआ० वा सीसआ० हिरण्णआ० वा सुवण्णआ० वा रयण० वा वइरआ० वा अणुप्पविसित्ता० '१२९' ।३७। जे० मुहवीणियं करेइ करंतं वा सा० ।३८।० दन्तवी० ।३९। एवं उट्टवी० ।४०। नासावी० ।४१। कक्खवी० ।४२। हत्थवी० ।४३। नहवी० ।४४। पत्तवी० ।४५। पुप्फवी० ।४६। फलवी० ।४७। बीयवी०।४८। हरियवी० ।४९। मुहवीणियं जाव हरियवी० वाएइ वायंतं वा सा० अण्णतराणि वा तहापगाराइं अणुदिन्नाइं सद्दाइं उदीरेइ उदीरंतं वा सा० '१३२'।५०-६१।० उद्देसियं सेज्जं अणुपविसइ अणुपविसंतं वा सा० ।६२।० सपाहुडियं ।६३।० सपरिकम्मं ।६४। जे० 'नत्थि संभोगवत्तिया किरिय' त्ति वयइ वयंतं वा सा० '२७५' ।६५।० वत्थं वा पडिग्गहं वा कंबलं वा पायपुच्छणं वा अलं थिरं धुवं धरणिज्जं पलिच्छिंदिय पलिच्छिंदिय परिट्टवेइ परिट्टवंतं वा सा० ।६६।० लाउयपायं वा दारूपायं वा मट्टियापा० वा० ।६७।० दण्डगं वा जाव पिप्पलसूइगं वा पलिभज्जिय परिट्टवेइ परिट्टवंतं वा सा० '२८१'।६८।० अइरेगपमाणं रयहरणसीसाइं धरेइ धरंतं वा सा० ।६९।० सुहुमाइं रयहरणसीसाइं करेइ करंतं वा सा० ।७०।० रयहरणस्स एक्कं बंधं देइ देंतं वा सा० ।७१।० रयहरणस्स परं तिण्हं बंधाणं देइ देंतं वा सा०।७२। जे० रयहरणं अविहीए बंधइ बंधंतं वा सा० ।७३।० कण्डुसगबंधेण बंधइ बंधंतं वा सा० ।७४।० वोसट्टं धरेइ धरंतं वा सा० ।७५।० अनिसट्टं धरेइ धरंतं वा सा० ।७६।० अभिक्खणं अभिक्खणं अहिट्टेइ अहिट्टंतं वा सा० ।७७।० उस्सीसमूले ठवइ ठवंतं वा सा० ।७८।० तुड्डेइ तुड्डंतं वा सा०, तं सेवमाणे आवज्जइ मासियं परिहारट्टाणं उग्घाइयं '३११' ।७९।

☆☆☆ ॥ पञ्चमो उद्देसो ५।। ☆☆☆ जे भिक्खू माउग्गामं मेहुणवडियाए विन्नवेइ वा विण्णवंतं वा सा० '५१' ।१। जे० माउग्गामस्स मेहुणवडियाए हत्थकम्मं करेइ करंतं वा सा० ।२।० अंगादाणं कट्टेणं वा कलिंचेण वा अंगुलियाए वा संचालेइ संचालंतं वा सा०, एवं माउग्गामऽभिलावेण पढमुद्देसाइगमो णेयव्वो जाव सोयसुयं, जे० माउग्गामस्स मेहुणवडियाए अन्नयरंसि अचित्तंसि सोयंसि अणुप्पविसित्ता सुक्कपोग्गले निग्घाएइ निग्घायंतं वा सा० ।३-१०। जे० माउग्गामं मेहुणवडियाए सयं कुज्जा सयं बूया करंतं वा० सा० ।११। जे० माउग्गामस्स मेहुणवडियाए कलहं कुज्जा कलहं बूया कलहवडियाए गच्छइ गच्छंतं वा सा० ।१२।० लेहं लिहइ लेहं लिहावेइ लेहवडियाए गच्छइ गच्छंतं वा सा० '६९' ।१३।० पिट्टंतं वा सोयंतं वा पोसंतं वा भल्लायएणं उप्पाएइ उप्पायंतं वा सा० ।१४।० पिट्टंतं वा सोयंतं वा पोसंतं वा भल्लायएण उप्पाएत्ता सीओदगवियडेण वा उसिणोदगवियडेण वा उच्छोलेज्ज वा पधोएज्ज वा० ।१५।० पिट्टंतं वा सोयंतं वा पोसंतं वा भल्लायएण उप्पाएत्ता तेल्लेण वा एवं जहा तइए उद्देसए गंडादीण जो गमो सो चैव इहंपि णेयव्वो जाव अण्णयरेणं आले वणजाएणं आलिपेज्ज वा विलिपेज्ज वा आलिपंतं वा विलिपंतं वा सा० ।१६। एवं जाव धूवेज्ज वा पधूवेज्ज वा ।१७-१८।० कसिणाइं वत्थाइं धरेइ धरंतं वा सा० ।१९। एवं अहयाइं ।२०।० धोवमलिणाइं ।२१।० चित्ताइं ।२२।० विचित्ताइं ।२३।० अप्पणो पाए आमज्जेज्ज वा पमज्जेज्ज वा आमज्जंतं वा पमज्जंतं वा सा० एवं तइयउद्देसे जो गमओ सो चैव इह मेहुणवडियाए णेयव्वो जाव जे माउग्गामस्स मेहुणवडियाए गामाणुगामं दूइज्जमाणे अप्पणो सीसदुवारियं करेइ करंतं वा सा० ।२४-७६।० खीरं वा दहिं वा नवणीयं वा गुलं वा खण्डं वा सक्करं वा मच्छण्डियं वा अन्नयरं वा पणीयं आहारं आहारेइ आहारंतं वा साइज्जइ '८८' तं सेवमाणे आवज्जइ चाउम्मासियं परिहारट्टाणं अणुग्घाइयं ☆☆☆ ।७७। छट्ठो उद्देसओ ६।। ☆☆☆ जे० माउग्गामस्स मेहुणवडियाए तणमालियं वा मुअ० वा भेण्ड० वा मयण० वा पिंछ० वा दन्त० वा सिंग० वा संख० वा हड्ड० वा कट्ट० वा पत्त० वा पुप्फ० वा फल० वा बीय० वा हरियामालियं वा करेइ करंतं वा सा० धरेइ धरंतं

वा सा० पिणिंधइ पिणिंधंतं वा सा० ।१-३।० अयलोहाणि वा तंब० वा तउय० वा सीसग० वा रूप्पग० वा सुवण्णलोहाणि वा करेइ करंतं वा सा० धरेइ धरंतं वा सा० परिभुअइ परिभुअंतं वा सा० ।४-६।० हाराणि वा अब्धहाराणि वा एगावलिं वा मुत्तावलिं वा कणगावलिं वा रयणावलिं वा कडगाणि वा तुडियाणि वा केऊराणि वा कुंडलाणि वा पट्टाणि वा मउडाणि वा पलंबसुत्ताणि सुवण्णसुत्ताणि वा करेइ करंतं वा सा० धरेइ धरंतं वा सा० परिभुअइ परिभुअंतं वा सा० ।७-९।० आईणाणि वा आईणपावराणि वा कंबलाणि वा कंबलपा० कोयरा (वा) णि वा कोयर (व) पा० वा कालमियाणि वा नीलमि० सामाणि वा महासामाणि वा उट्टाणि वा उट्टलेस्साणि वा वग्घाणि वा विवग्घाणि वा परवइगाणि वा सहिणाणि वा सहिणकल्लाणाणि वा खोमाणि वा दुगुल्लाणि वा पट्टणाणि वा आवरन्ताणि वा चीणाणि वा अंसुयाणि वा कणगकन्ताणि वा कणगखंसि (खइ) याणि वा कणगचित्ताणि वा कणगविचित्ताणि वा आभरणविचित्ताणि वा करेइ जाव परिभुंजइ परिभुंजंतं वा सा० ।१०-१२। जे० माउग्गामं मेहुणवडियाए अक्खंसि वा ऊरूसि वा उयरंसि वा थणंसि वा गहाय संचालइ संचालंतं वा सा० ।१३। जे० माउग्गामस्स मेहुणवडियाए अन्नमन्नस्स पाए आमज्जेज्ज वा पमज्जेज्ज वा आमज्जंतं वा पमज्जंतं वा सा०, एवं ततियउ द्वेसगमओ णेयव्वो जाव जे० माउग्गामस्स मेहुणवडियाए गामाणुगामं दुइज्जमाणे अन्नमन्नस्स सीसदुवारियं करेइ करंतं वा सा० ।१४-६६। जे० माउग्गामस्स मेहुणवडियाए अणंतरहियाए एवं ससिणिद्धाए ससरक्खाए मट्टियाकडाए चित्तमन्ताए पुढवीए निसीयावेज्ज वा तुयट्टावेज्ज वा णिसीयावेतं वा तुयट्टावेतं वा सा० ।६७-७१।० चित्तमन्ताए सिलाए लेलुए० ।७२-७३।० कोलावासंसि वा दारूए जीवपइट्टिए सअण्डे सपाणे सवीए सहरिए सओस्से सउदए सउत्तिङ्गपणगदगमट्टियमक्कडगसंताणगंसि० ।७४।० आगन्तारेसु वा जाव परियावसहेसु वा० ।।७५।० आगन्तागारेसु वा जाव परियावसहेसु वा निसीयावेत्ता वा तुयट्टावेत्ता वा असणं वा० अणुघासेज्ज वा अणुपाएज्ज वा अणुघासंतं वा अणुपायंतं वा सा० ।७६।० अंकंसि वा पलियंकंसि वा णिसीयावेत्ता वा तुयट्टावेत्ता वा जाव साइज्जइ ।७७। जे० माउग्गामस्स मेहुणवडियाए अंकंसि वा पलियंकंसि वा णिसीयावेत्ता वा तुयट्टावेत्ता वा असणं वा० अणुघासेज्ज वा अणुपाएज्ज वा अणुघासंतं वा अणुपायंतं वा सा० ।७८। जे० माउग्गामस्स मेहुणवडियाए अण्णयरं तेइच्छं आउट्टेइ आउट्टेतं वा सा० ।७९।० अमणुन्नाइं पोग्गलाइं नीहरइ नीहरंतं वा सा० ।८०।० मणुन्नाइं पोग्गलाइं उवहरइ उवहरंतं वा सा० ।८१। जे० माउग्गामस्स मेहुणवडियाए अन्नयरं पसुजाइं वा पक्खिजाइं वा पायंसि वा पक्खंसि वा पुच्छंसि वा सीसंसि वा गहाय संचालेइ संचालंतं वा सा० ।८२।० सोयंसि कट्ठं वा किलिंचं वा अंगुलीयं वा सलागं वा अणुप्पवेसेत्ता संचालेइ संचालंतं वा सा० ।८३।० 'अयं थी' तिकट्टु आलिङ्गेज्ज वा परिस्सएज्ज वा परिचुंबेज्ज वा आलिगंतं वा परिस्सयंतं वा परिचुंबंतं वा सा० ।८४। जे० माउग्गामस्स मेहुणवडियाए असणं वा० देइ देन्तं वा सा० ।८५-८६। एवं वत्थंपि दोहिं गमएहिं ।८७-८८। सज्झायंपि दोहिं ।८९-९०।० अन्नयरेणं इंदिएणं आगारं करेइ करंतं वा सा० '५३' तं सेवमाणे आवज्जइ चाउम्मासियं परिहारट्टाणं अणुघाइयं **☆☆☆ १९१॥ सत्तमो उद्देसओ ७॥**

**☆☆☆** जे भिक्खू आगन्तारेसु वा जाव परियावसहेसु वा एगो एगित्थीए सद्धिं जाव कहंतं वा साइज्जइ '८४' ।१।० उज्जाणंसि वा उज्जाणगिहंसि वा उज्जाणसालंसि वा निज्जाणंसि वा निज्जाणगिहंसि वा निज्जाणसालंसि वा० ।२।० अट्टंसि वा अट्टालयंसि वा पागारंसि वा चरियंसि वा दारंसि वा गोपुरंसि वा एगो० ।३।० दगंसि वा दगमगंसि वा दगपहंसि वा दगतीरंसि वा दगठाणंसि वा एगो० ।४।० सुन्नगिहंसि वा सुन्नसालंसि वा भिन्नगिहंसि वा भिन्नसालंसि वा कूडागारंसि वा कोट्टागारंसि वा एगो० ।५।० तणगिहंसि वा तणसालंसि वा तुसगिहंसि वा तुससालंसि वा बुसगिहंसि वा बुससालंसि वा एगो० ।६।० जाणसालंसि वा जालगिहंसि वा जुग्गसालंसि वा जुग्गगिहंसि वा एगो० ।७।० पणियसालंसि वा पणियगिहंसि वा परियायगिहंसि वा परियायसालंसि वा कुवियगिहंसि वा कुवियसालंसि वा एगो० ।८।० गोणसालंसि वा गोणगिहंसि वा महाकुलंसि वा महागिहंसि वा एगो एगित्थीए सद्धिं विहारं वा करेइ सज्झायं वा करेइ असणं वा० आहारेइ उच्चारं वा पासवणं वा परिट्टवेइ अन्नयरं वा अणारियं निट्ठुरं अस्समणपाओग्गं कहं कहेइ कहंतं वा सा० '८७' ।९।० राओ वा वियाले वा इत्थीमज्झगए इत्थीसंसत्ते इत्थीपरिवुडे अपरिमाणए कहं कहेइ कहंतं वा सा० ।१०।० सगणिच्चियाए वा परगणिच्चियाए वा निग्गन्थीए सद्धिं गामाणुगामं दुइज्जमाणे पुरओ गच्छमाणे पिट्ठओ रीयमाणे

ओह्यमणसंकप्पे चिंतासोयसागरसंपविट्ठे करतलपल्लहत्थमुहे अट्टञ्जाणोवगाए विहारं करेइ जाव करंतं वा सा० ।११।० नायगं वा अनायगं वा उवासयं वा अणुवासयं वा अन्तो उवस्सयस्स अब्बं वा राइं कसिणं वा राइं संवसावेइ संवसावंतं वा सा० ।१२। जे० तं न पडियाइक्खइनपडियाइक्खंतं वा सा० ।१३। जो तं पडुच्च निक्खमइ वा पविसइ वा० '१३६' ।१४। जे भिक्खू रत्तो खत्तियाणं मुदियाणं मुद्धाभिसित्ताणं समवाएसु वा पिण्डमहेसु वा असणं वा० पडिग्गाहेइ पडिग्गाहेंतं वा सा० ।१५।० उत्तरसालंसि वा उत्तरगिहंसि वा रीयमाणानं० ।१६।० ह्यसालगयाण वा गयसा० वा मंतसा० वा गुज्झसा० वा रहस्ससा० वा मेहुणसा० वा० ।१७।० संनिहिसंनिचयाओ खीरं वा दहिं वा नवणीयं वा सप्पिं वा गुलं वा खण्डं वा सक्करं वा मच्छण्डियं वा अन्नयरं वा भोयणजायं पडिगाहेइ पडिगाहेंतं वा सा० ।१८।० उस्सट्ठपिंडं वा संसट्ठपिंडं वा अनाहपिण्डं वा किविणपिण्डं वा वणीमगपिण्डं वा पडिगाहेइ जाव साइज्जइ '१५५' तं सेवमाणे आवज्जइ चाउम्मासियं परिहारट्ठाणं अणुग्घाइयं ★★☆।१९॥ अट्ठमो उद्देसओ ८॥ ★★☆ जे भिक्खू रायपिण्डं गेण्हइ गेण्हंतं वा सा० ।१।० भुंजइ भुंजंतं वा सा० '१६' ।२।० रायन्तेपुरं पविसइ पविसंतं वा सा० ।३।० रायन्तेपुरियं वएज्जा 'आउसो ! रायंतेउरिए ! नो खलु अम्हं कप्पइ रायन्तेपुरं निक्खमित्तए वा पविसित्तए वा, इमण्हं तुमं पडिग्गहगं गहाय रायन्तेपुराओ असणं वा० निहडियं आहट्टु दलयाहिं जे तं एवं वयइ वयंतं वा सा० ।४। जे भिक्खू य णं रायन्तेउरिया वएज्जा 'आउसन्तो ! समणा नो खलु तुज्झं कप्पइ रायन्तेपुरं निक्खमित्तए वा पविसित्तए वा आहारेयं पडिग्गहगं जाए अहं रायन्तेपुराओ असणं वा० णीहडियं आहट्टु दलयामि' जे एवं पडिसुणेइ पडिसुणंतं वा सा० '२९' ।५। जे भिक्खू रत्तो जाव मुद्धाभिसित्ताणं दुवारियभत्तं वा पसुभत्तं वा भयगभत्तं वा बलभत्तं वा कयगभत्तं वा हयभत्तं वा गयभत्तं वा कन्तारभत्तं वा दुब्भिक्खभत्तं वा दुकालभत्तं वा दमगभत्तं वा गिलाणभत्तं वा वद्धलियाभत्तं वा पाहुणगभत्तं वा पडिगाहेइ पडिगाहेंतं वा सा० '३६' ।६। जे भिक्खू रण्णो खत्तियाण जाव मुद्धाभिसित्ताणं इमाइं छदोसाययणाइं अजाणित्ता अपुच्छिय अगवेसिय परं चउरायपन्नरायाओ पिण्डवायपडियाए निक्खमइ वा पविसइ वा निक्खमन्तं वा पविसन्तं वा साइज्जइ तं०-कोट्टागारसालाणि वा भण्डागारसालाणि वा पाणसालाणि वा खीरसा० वा गअसा० वा महाणससा० वा० '४२' ।७। जे भिक्खू रण्णो जाव मुद्धाभिसित्ताणं अइग्गच्छमाणान वा निग्गच्छमाणान वा० '४८' ।८।० इत्थीओ सव्वालंकारविभूसियाओ पदमवि चक्खुदंसणपडियाए गच्छइ वा अभिसंधारेइ वा गच्छन्तं वा अभिसंधारेन्तं वा सा० ।९।० मंसखायाण वा मच्छखा० वा छविखा० बहिया निग्गयाणं असणं वा जाव साइज्जइ ।१०।० अन्नयरं उववूंहणीयं समीहियं पेहाए तीसे परिसाए अणुट्टियाए अभिन्नाए अब्बोच्छिन्नाए जे तं अन्नं पडिगाहेइ पडिगाहेन्तं वा साइज्जइ, अह पुण एवं जाणेज्जा 'इहज्ज राया खत्तिए परिवुसिए' जे भिक्खू ताए गिहाए ताए पएसाए ताए उवासन्तराए वा विहारं वा करेइ सज्झायं वा जाव कहंतं वा सा० '६१' ।११। जे भिक्खू रण्णो खत्तियाणं जाव अभिसित्ताणं बहियाजत्तासंठियाणं असणं वा० पडिगाहेइ पडिगाहेंतं वा सा० ।१२। बहियाजत्तापडिणियत्ताणं० ।१३। एवं नईजत्तापट्टियाणं० ।१४।० पडिणियत्ताणं० ।१५।० गिरिजत्तापट्टियाणं० ।१६।० गिरिजत्तापडिणियत्ताणं० ।१७।० महाभिसेयंसि वट्ठमाणंसि निक्खमइ वा पविसइ वा निक्खमंतं वा पविसंतं वा सा० '९०' ।१८। जे भिक्खू जाव अभिसित्ताणं इमाओ दस आभिसेक्काओ रायहाणीओ उद्धिवाओ गणियाओ वज्जियाओ अंतो मासस्स दुक्खुत्तो वा तिक्खुत्तो वा निक्खमइ वा पविसइ वा निक्खमन्तं वा पविसन्तं वा साइज्जइ तंजहा-चम्पा महुरा वाणारसी सावत्थी साएयं कंपिल्लं कोसंबी मिहिला हत्थिणापुरं रायगिहं '१००' ।१९। जे भिक्खू रत्तो० असणं वा० परस्स नीहडं पडिगाहेइ पडिगाहेन्तं वा साइज्जइ तं०-खत्तियाण वा राईण वा कुराईण वा रायसंसियाण वा रायपेसियाण वा० ।२०।० नडाण वा नट्टाण वा कच्छुयाण वा जल्लाण वा मल्लाण वा मुट्टियाण वा बेलम्बगाण वा कहगाण वा पवगाण वा लासगाण वा दोक्खलयाण वा छत्ताणुयाण वा० ।२१।० आसपोसयाण वा हत्थिपो० वा महिसपो० वा वसहपो० वा सीहपो० वा वग्घपो० वा अयपो० वा पोयपो० वा मिगपो० वा सुणहपो० वा सूयरपो० वा मेण्डपो० वा कुक्कुडपो० वा तित्तिरपो० वा वट्टयपो० वा लावयपो० वा चीरल्लपो० वा हंसपो० वा मयूरपो० वा सुयपो० वा० ।२२। एवं आसदमगाण

वा हत्थिद० वा० ।२३।० आसमिंठाण वा हत्थिमि० वा० ।२४।० आसरोहाण वा हत्थिरो० वा० ।२५।० सत्थाहाण वा संवाहावयाण वा अब्भंगावयाण वा उव्वट्ठावयाण वा मज्जावयाण वा मण्डावयाण वा छत्तग्गहाण वा चामर० वा हडप्प० वा परियट्ठ० वा दीविय० असि० वा धणु० वा सत्ति० कोन्त० वा० ।२६।० वरिसधराण वा कञ्चुइज्जाण वा दोवारियाण वा दण्डारक्खियाण वा० ।२७।० खुज्जाण वा चिलाइयाण वा वामणीण वा बडभीण वा बब्बरीण वा पउसीण वा जोणियाण वा पल्हवियाण वा इसिणीण वा थारूगिणीण वा लउसीण वा लासीण वा सिंहलीण वा आलवी (रबी) ण वा पुलिन्दीण वा सबरीण वा पारिसीण वा०, तं सेवमाणे आवज्जइ चाउम्मासियं परिहारट्ठाणं अणुग्घाइयं '१११' ।२८★☆☆॥ नवमो उद्देसओ ९॥★☆☆जे भिक्खू भदन्तं आगाढं वयइ वयंतं वा सा० ।१।० फरूसं ।२।० आगाढफरूसं '३५' ।३।० अन्नयरीए अच्चासायणाए अच्चासाएइ अच्चासायंतं वा सा० '५२' ।४। जे भिक्खू अणन्तकायसंजुतं आहारं आहारेइ आहारेंतं वा सा० '५६' ।५।० आहाकम्मं भुअइ भुअंतं वा सा० '८१' ।६।० पडुप्पन्नं वागरेइ वागरेंतं वा सा० ।७।० अणागयं निमित्तं वागरेइ वागरंतं वा सा० '९३' ।८।० सेहं विप्परिणामेइ विपरिणामंतं वा सा० ।९।० अवहरइ अवहरंतं वा सा० ।१०।० दिसं विपरिणामेइ विप्परिणामंतं वा सा० ।११।० अवहरइ अवहरंतं वा सा० '१५७' ।१२।० बहियावासियं आएसं परं तिरायाओ अविफालेत्ता संवसावेइ संवसावेंतं वा सा० ।१३।० साहिरणं अविओसवियपाहुडं अकडपायच्छित्तं संभुअइ संभुजंतं वा सा० '२५३' ।१४।० उग्घाइयं अणुग्घाइयं वयइ वयंतं वा सा० ।१५।० अणुग्घाइयं उग्घाइयं ।१६।० उग्घाइए अणुग्घाइयं देइ देंतं वा सा० ।१७।० अणुग्घाइए उग्घाइयं ।१८। जे भिक्खू उग्घाइयं सोच्चा नच्चा संभुअइ संभुजंतं वा सा० ।१९।० उग्घाइयहेउं ।२०।० उग्घाइयसंकप्पं ।२१। उग्घाइयं वा उग्घाइयहेउं वा उग्घाइयसंकप्पं वा० ।२२।० अणुग्घाइयं अणुग्घाइयहेउं अणुग्घाइयसंकप्पं अणुग्घाइयं वा अणुग्घाइयहेउं वा अणुग्घाइयसंकप्पं वा० ।२३-२६।० उग्घाइयं वा अणुग्घाइयं वा० ।२७।० उग्घाइयहेउं वा अणुग्घाइयहेउं वा० ।२८।० उग्घाइयसंकप्पं वा अणुग्घाइयसंकप्पं वा० ।२९।० उग्घाइयं वा अणुग्घाइयं वा उग्घाइयहेउं वा अणुग्घाइयहेउं वा उग्घाइयसंकप्पं वा अणुग्घाइयसंकप्पं वा० ।३०। जे भिक्खू उग्गयवित्तीए अणत्थमियमणसंकप्पे संथडिए निव्विइगिच्छासमावत्तेणं अप्पाणेणं असणं वा० पडिगाहेत्ता संभुअइ संभुअन्तं वा सा० ।३१।० संथ० विइगिच्छा० ।३२।० असंथडिए निव्विइगिच्छा० ।३३।० असं० विइगिच्छा० (अह पुण एवं जाणेज्जा-अणुग्गए सूरिए अत्थमिए वा, से जं च मुहे जं च पाणिंसि जं च पडिग्गहे तं विगिञ्चिय विसोहिय तं परिट्ठवेमाणे नाइक्कमइ, जो तं भुंजइ भुंजंतं वा साइज्जइ) '३२५' ।३४। जे भिक्खू राओ वा वियाले वा सपाणं सभोयणं उग्गालं उग्गिलित्ता पच्चोगिलइ पच्चोगिलंतं वा सा० '३५६' ।३५। जे भिक्खू गिलाणं सोच्चा न गवेसइ नगवेसंतं वा सा० ।३६।० उम्मग्गं वा पडिपहं वा गच्छइ गच्छंतं वा सा० ।३७। जे भिक्खू गिलाणवेयावच्चे अब्भुट्ठियस्स सएण लाभेण असंथरमाणस्स जे तस्स न पडितप्पइ नपडितप्पेंतं वा सा० ।३८।० गि० अब्भुट्ठियं गिलाणपाओगे दव्वजाए अलभमाणे जे तं न पडियाइक्खइ नपडियाइक्खंतं वा सा० '५१२' ।३९।० पढमपाउसंसि गामाणुगामं दूइज्जइ दूइज्जंतं वा सा० ।४०।० वासावासं पज्जोसवियंसि दूइज्जइ दूइज्जंतं वा सा० ।४१।० अपज्जोसवणाए पज्जोसवेइ पज्जोसवेंतं वा सा० ।४२।० पज्जोसवणाए न पज्जोसवेइ नपज्जोसवंतं वा सा० ।४३।० पज्जोसवणाए गोलोमाइपि वालां उवाइणावेइ उवाइणावेंतं वा सा० ।४४।० पज्जोसवणाए इत्तिरियंपि आहारं आहारेइ आहारेंतं वा सा० ।४५।० अन्नउत्थियं वा गारत्थियं वा पज्जोसवेइ पज्जोसवेंतं वा सा० '६१०' ।४६।० पढमसमोसरणुद्देसपत्ताइं चीवराइं पडिगाहेइ पडिगाहंतं वा सा० '६६४' तं सेवमाणे आवज्जइ चाउम्मासियं परिहारट्ठाणं अणुग्घाइयं

★☆☆।४७॥ दसमो उद्देसओ १०॥ ★☆☆ जे भिक्खू अयपायाणि वा कंस० वा तंब० वा तउय० वा रूप्प० वा सुवण्ण० वा जायरूव० वा मणि० वा काय० कणग० वा दन्त० वा सिंग० वा चम्म० वा चेल० वा अंकपा० वा संख० वा वइर० वा करेइ करंतं वा सा० ।१।० धरेइ धरंतं वा सा० ।२।० परिभुंजइ परिभुंजन्तं वा सा० ।३।० अयबंधणाणि वा जाव वइरबंधणाणि वा करेइ करंतं वा सा० जाव परिभुंजइ परिभुंजंतं वा सा० ॥४-६।० परं अब्बजोयणमेराओ



पायवडियाए गच्छइ गच्छंतं वा सा० ।७।० परं अब्द्रजोयणमेराओ सपच्चवायंसि पायं अभिहडं आहट्टु देज्जमाणं पडिगाहेइ पडिगाहंतं वा सा० '२३' ।८।० धम्मस्स अवणं वयइ वयंतं वा सा० ।९।० अधम्मस्स वणं '३६' ।१०।० अन्नउत्थियस्स वा गारत्थियस्स वा पाए आमज्जिज्ज वा पमाज्जिज्ज वा आमज्जंतं वा पमज्जंतं वा सा० एवं तइयउद्देसगमेण पेयव्वं नवरं अन्नउत्थियगारत्थियाभिलावा जाव जे गामाणुगामं दूइज्जमाणे अण्णउत्थियस्स वा गारत्थियस्स वा सीसदुवारियं करेइ करंतं वा सा० '३८' ।११-६३।० अप्पाणं बीभावेइ बीभावंतं वा सा० ।६४।० परं ।६५।० अप्पाणं विम्हावेइ विम्हावेंतं वा सा० ।६६।० परं ।६७।० अप्पाणं विप्परियासेइ विप्परियासेंतं सा० ।६८।० परं ।६९।० मुहवणं करेइ करंतं वा सा० '८४' ।७०।० वेरज्जविरूद्धरज्जंसि सज्जं गमणं आगमणं गमणागमणं करेइ जाव सा० '११५' ।७१।० दियाभोयणस्स अवणं वयइ वयंतं वा सा० ।७२।० राइभोयणस्स वणं '१२०' ।७३।० दिया असणं वा० पडिगाहेत्ता दिया भुंजइ० ।७४।० दिया प० रत्तिं भु० ।७५।० रत्तिं प० दिया भु० ।७६।० रत्तिं पडिगाहेइ रत्तिं भुंजइ भुंजंतं वा सा० '१९१' ।७७।० असणं वा० अणागाढे परिवासेइ परिवासंतं वा सा० ।७८।० परिवासियस्स असणस्स वा० तयप्पमाणं वा भूइ० वा आहारं आहारेइ आहारंतं वा सा० '२०२' ।७९।० मंसाइयं वा मच्छाइयं वा मंसखलं वा मच्छखलं वा आहेणं वा पहेणं वा सम्मेलं वा हिगोलं वा अन्नयरं वा तहप्पगारं विरूवरूवं हीरमाणं पेहाए ताए आसाए ताए पिवासाए तं रयणिं अन्नत्थ उवाइणावेइ उवातिणावेंतं वा सा० '२१२' ।८०।० निवेयणपिण्डं भुंजइ भुंजंतं वा सा० '२१५' ।८१।० अहाछन्दं पसंसइ पसंसंतं वा सा० ।८२।० वंदइ वंदंतं वा सा० '२२६' ।८३।० नायगं वा अनायगं वा उवासगं वा अणुवासगं वा अणलं वा पव्वावेइ पव्वावेंतं वा सा० ।८४।० उवट्ठावेइ उवट्ठावंतं वा सा० '४९१' ।८५।० नायएण वा अनायएण वा उवासएण वा अणुवासएण वा अणलेण वेयावच्चं करेइ कारंतं वा सा० '४९६' ।८६।० सचेले सचेलगाणं मज्झे संवसइ संवसंतं वा सा० ।८७।० अचेले सचेलगाणं ।८८।० सचेले अचेलगाणं ।८९।० अचेले अ० '५०७' ।९०।० पारियासियं पिप्पलिं वा पिप्पलिचुण्णं वा सिंगबेरं वा सिंगबेरचुण्णं वा बिलं वा लोणं वा उज्झि (ब्भि) य वा लोणं आहारेइ आहारंतं वा सा० '५२०' ।९१।० गिरिपडणाणि वा मरूप० वा भिगुप० वा तरूप० वा गिरिपक्खंदणाणि वा मरू० वा तरू० जलपवेसाणि वा जलण० वा (२३९) जलपक्खंदणाणि वा जलण० वा विसभक्खणाणि वा सत्थोवाडणाणि वा अंतोसल्लमरणाणि वा वेहाणसाणि वा गिद्धपट्ठाणि वा वलयमरणाणि वा जाव अन्नयराणि व तहप्पगाराणि बालमरणाणि पसंसइ पसंसंतं वा सा० '५३७' तं सेवमाणे आवज्जइ चाउम्मासियं परिहारट्ठाणं अणुग्घाइयं ।९२॥ एक्कारसमो उद्देसओ ११॥ जे भिक्खू कोलूणपडियाए अन्नयरिं तसपाणजाइं तणपासएण वा मुंजपा० वा कट्टपा० वा चम्मपा० वा वत्तपा० वा रज्जुपा० सुत्तपा० वा बंधइ बंधंतं वा सा० ।१।० बद्धेल्लगं वा मुयइ मुयंतं वा सा० '१०' ।२।० अभिक्खणं अभिक्खणं पच्चक्खाणं भअइ भंजंतं वा सा० '१५' ।३।० परित्तकायसंजुत्तं आहारेइ आहारंतं वा सा० '२०' ।४।० सलोमाइं चम्माइं धरेइ धरंतं वा सा० '४५' ।५।० तणपीढगं वा पलालपी० वा छगणपी० वा कट्ठपी० वा परवत्थेणोच्छन्नं अहिट्टेइ अहिट्टंतं वा सा० '५०' ।६।० निग्गन्थीए संघाडिं अन्नउत्थिएण गारत्थिएण वा सिव्वावेइ सिव्वावंतं वा सा० '५७' ।७।० पुढवीकायस्स वा कलमायमवि समारभइ समारभंतं वा सा० एवं जाव वणप्फतिकायस्स '६१' ।८।० सचित्तरूक्खं दुरूहइ दुरूहंतं वा सा० '६६' ।९।० गिहिमत्ते भुअइ भुंजंतं वा सा० ।१०।० गिहिवत्थं परिहेइ परिहंतं वा सा० ।११।० गिहिनिसेज्जं वाहेइ वाहंतं वा सा० ।१२।० गिहितिगिच्छं करेइ करंतं वा सा० '८२' ।१३।० पुरेकम्मकडेण हत्थेण वा मत्तेण वा दव्विएण वा भायणेण वा असणं वा० पडिगाहेइ पडिगाहंतं वा सा० ।१४।० अन्नउत्थियाण वा गारत्थियाण वा सीओदगपरिभोएण० '१४२' ।१५।० कट्टकम्माणि वा चित्तक० वा पोत्थक० वा दन्तक० वा मणिक० वा सेलक० वा गंठिमाणि वा वेढिमाणि वा पूरिमाणि वा संघाइमाणि वा पत्तच्छेज्जाणि वा विविहाणि वा वेहिमाणि वा चक्खुदंसणवडियाए अभिसंधारेइ अभिसंधारंतं वा सा० ।१६।० वप्पाणि वा फलिहाणि वा उप्फलाणि वा पल्ललाणि वा उज्झराणि वा निज्झराणि वा वावीणि वा पोक्खराणि वा दीहियाणि वा गुंजालियाणि वा सराणि वा सरपंतियाणि वा सरसरपं० वा० ।१७।० कच्छाणि वा गहणाणि वा नूमाणि वा वणाणि वा वणविदुग्गाणि वा पव्वयाणि वा पव्वयवि० वा० ।१८।० गामाणि वा नगराणि वा खेडाणि वा कब्बडाणि वा मडम्बाणि वा दोणमुहाणि वा पट्टणाणि वा

आगराणि वा सम्बाहाणि वा संनिवेसाणि वा० ।१९।० गाममहाणि वा जाव संनिवेसमहाणि वा० ।२०।० गामवहाणि वा जाव संनिवेसवहाणि वा गामदाहाणि वा जाव संनिवेसदाहाणि वा० ।२१।० गामपहाणि वा जाव संनिवेसपहाणि वा० ।२२।० आसकरणाणि वा हत्थिक० वा उट्टक० वा गोणक० वा महिसक० वा सूयरक० वा० ।२३।० आसजुद्धाणि वा हत्थिजु० वा उट्टजु० वा गोण० महिसजु० वा० ।२४।० उज्जूहियट्टाणाणि वा ह्यजूहियट्टाणाणि वा गयजूहियट्टाणाणि वा० ।२५।० अभिसेयट्टाणाणि वा अक्खाइयट्टाणाणि वा माणुम्माणियट्टा० वा महयाहयनट्टगीयबाइयतन्तीतलतालतुडियपडुप्पवाइय० वा० ।२६।० आघायणाणि वा डिम्बाणि वा डमराणि वा खाराणि वा वेराणि वा महाजुद्धाणि वा महासंगामाणि वा कलहाणि वा बोलाणि वा० ।२७।० विरूवरूवेसु महुस्सवेसु इत्थीणि वा पुरिसाणि वा थेराणि वा मज्झिमाणि वा डहराणि वा अणलंकियाणि वा सुअलंकियाणि वा गायन्ताणि वा वायन्ताणि वा नच्चन्ताणि वा हसन्ताणि वा रमन्ताणि वा मोहन्ताणि वा विउलं असणं वा० परिभायन्ताणि वा परिभुंजन्ताणि वा० सा० ।२८।० इहलोइएसु वा रूवेसुं परलोइएसु वा रूवेसुं दिट्ठेसु वा अदिट्ठेसु वा सुएसु वा असुएसु वा विन्नाएसु वा अविन्नाएसु वा रूवेसु सज्जइ रज्जइ गिज्जइ अज्जोववज्जइ सज्जमाणं वा जाव अज्जोववज्जमाणं वा सा० '१६३' ।२९।० पढमाए पोरिसीए असणं वा० पडिगाहेत्ता पच्छिमं पोरिसिं उवाइणावेइ उवाइणावंतं वा सा० '१८९' ।३०।० परं अब्बजोयणमेराओ असणं वा० उवाइणावेइ उवायणावंतं वा सा० '२१८' ।३१।० दिया गोमयं पडिगाहेत्ता दिया कायंसि वणं आलिम्पेज्ज वा विलिपेज्ज वा आलिंपंतं वा विलिपंतं वा सा० ।३२।० दिया गो० प० रत्तिं वणं आलि० विलिपेज्ज वा ।३३।० रत्तिं गो० प० दिया वणं आ० वि० ।३४। रत्तिं गो० प० रत्तिं वणं आ० वि० ।३५।० दिया आलेवणजायं पडिगाहेत्ता दिया कायंसि वणं जाव चउभंगो '२२६' ।३६-३९।० अन्नउत्थिएण वा गारत्थिएण वा उवहिं वहावेइ वहावंतं वा सा० ।४०।० तनीसाए असणं ० देइ देंतं वा सा० '२३०' ।४१। जे भिक्खू पश्चिमाओ महण्णवाओ महानईओ उट्ठिटाओ गणियाओ वंजियाओ अन्तो मासस्स दुक्खुत्तो वा तिक्खुत्तो वा उत्तरइ वा संतरइ वा उत्तरन्तं वा संतरन्तं वा साइज्जइ, तंजहा-गंगा जउणा सरऊ एरावई मही '२७८' तं सेबमाणे आवज्जइ चाउम्मासियं परिहारट्ठाणं उग्घाइयं **☆☆☆ ४२॥ बारसमो उद्देसओ १२॥ ☆☆☆** जे भिक्खू अणन्तरहियाए पुढवीए ठाणं वा सेज्जं वा णिसीहियं वा चेएइ चयंतं वा सा० जाव मक्कडासंताणगंसि ।१-८।० थूणंसि वा गिहेलुयंसि वा उसुयालंसि वा कामजालंसि वा० ।९।० कुलियंसि वा भित्तिसि वा सिलंसि वा लेलुयंसि वा अन्तलिक्खजायंसि वा० ।१०।० खंधंसि वा फलहंसि वा मञ्चंसि वा मण्डवंसि वा मालंसि वा पासायंसि वा दुब्बद्धे दुण्णिक्खित्ते अनिकम्पे चलाचले० '२२' ।११। जे भिक्खू अन्नउत्थिय वा गारत्थियं वा सिप्पं वा सिलोगं वा अट्टापयं वा कक्कडगं वा वुग्गहं वा सलाहं (गं) वा सलाहकढहत्थयं वा सिक्खावेइ सिक्खावंतं वा सा० ।१२।० आगाढं वयइ वयंतं वा सा० फरूसं आगाढफरूसं अन्नयरीए अच्चासायणाए अच्चासाएइ अच्चा० सा० '३१' ।१३-१६। जे भिक्खू अन्नउत्थियाण वा गारत्थियाण वा कोउगकम्मं करेइ करंतं वा सा० ।१७।० भूइकम्मं० ।१८।० पसिणं कहेइ० ।१९। पसिणापसिणं० ।२०।० तीयं निमित्तं० ।२१।० लक्खणं० ।२२।० सुमिणं० ।२३।० विज्जं पउंजइ पउंजंतं वा सा० '५०' ।२४। एवं मन्तं ।२५। जोगं ।२६।० नट्टाणं मूढाणं विप्परियासियाणं मग्गं वा पवेएइ संधिं वा प० मग्गेण वा संधिं प० संधीओ बा मग्गं प० पवेएंत्तं वा सा० ।२७।० धाउं पवेएइ पवेएंत्तं वा सा० ।२८।० निहिं० '६२' ।२९। जे भिक्खू मत्तए अप्पाणं देहइ देहंतं वा सा० ।३०।० अद्दाए० ।३१। एवं असीए ।३२। मणिए ।३३। उड्डपाणे ।३४। तेल्ले ।३५। फा (पा) णिए ।३६। वसाए '७३' ।३७।० वमणं पडिकम्मं करेइ करंतं वा सा० ।३८।० विरेयणं० ।३९।० वमणविरेयणं० ।४०।० अरोगियं० '८४' ।४१।० पासत्थं वंदइ वंदंतं वा सा० पसंसइ पसंसंतं वा सा '११९' ।४२-४३। एवं ओसन्नं ।४४-४५। कुसीलं ।४६-४७। नितियं ।४८-४९। संसत्तं ।५०-५१। काहियं ।५२-५३। पासणियं ।५४-५५। मामगं ।५६=५७। संपसारगं '११९' ।५८-५९।० धाइपिंडं भुंजइ भुंजंतं वा सा० ।६०। एवं दूइ० ।६१। निमित्तं० ।६२। आजीवियं० ।६३। वणीमगपि० ।६४। तिगिच्छा० ।६५। कोह० ।६६। माण० ।६७। माया० ।६८। लोभ० ।६९। विज्जा० ।७०। मन्तं० ।७१। जोग० ।७२। चुण्ण० ।७३।० अन्तद्धाण० '२१६' तं सेवमाणे

आवज्जइ चाउम्मासियं परिहारट्टाणं उग्घाइयं । **☆☆☆ ७४॥ तेरसमो उद्देसओ १३॥** **☆☆☆** जे भिक्खू पडिग्गहं किणइ किणावेइ कीयं आहट्टु देज्जमाणं पडिग्गाहेइ पडि० सा० ।१।० पामिच्चेइ पामिच्चावेइ पामिच्चियं० ।२।० परियट्टेइ परियट्टावेइ परियट्टियं० ।३।० अच्छेज्जं अनिसिट्ठं अभिहडं० ‘५१’ ।४। जे भिक्खू अइरेगं पडिग्गहं गणिं उद्दिसिय गणिं समुद्दिसिय तं गणिं अणापुच्छिय अणामन्तिय अन्नमन्नस्स वियरइ वियरंतं वा सा० ।५।० खुड्डगस्स वा खुडिडयाए वा थेरगस्स वा थेरियाए वा अहत्थच्छिन्नस्स अपायच्छिन्नस्स अनासच्छिन्नस्स अकण्णच्छिन्नस्स अणोड्डच्छिन्नस्स सक्कस्स देइ देतं वा सा० ।६।० खुड्डगस्स वा जाव थेरियाए वा हत्थच्छिन्नस्स० ओड्डच्छिन्नस्स असक्कस्स न देइ नदेतं वा सा० ‘१५३’ ।७। जे भिक्खू पडिग्गहं अणलं अथिरं अधुवं अधारणिज्जं धरेइ धरंतं वा सा० ।८।० अलं थिरं धुवं धारणिज्जं न धरेइ नधरंतं वा सा० ‘१५९’ ।९। जे भिक्खू वण्णमन्तं पडिग्गहं विवण्णं करेइ करंतं वा सा० ।१०। विवण्णं पडिग्गहं वण्णमन्तं० ।११। जे भिक्खू नो नवए मे पडिग्गहे लद्धे’ त्तिकट्टु तेल्लेण वा घएण वा नवणीएण वा वसाए वा मक्खेज्ज वा भिलिंगेज्ज वा मक्खंतं वा भिलिंगंतं वा सा० ।१२।० लोद्धेण वा कक्केण वा चुण्णेण वा वण्णेण व उल्लोलेज्ज वा उव्वले (ट्टे) ज्ज वा उल्लोलंतं वा उव्वलं (ट्ट) तं वा सा० ।१३।० सीओदगवियडेण वा जाव उसिणोदगवियडेण वा उच्छोलेज्ज वा पधोएज्ज वा० ।१४।० बहुदेवसिएण तेल्लेण वा० लोद्धेण वा० सीओदगवियडेण जाव सा० ।१५-१७। जे णवए मे पडिग्गहे इतिकट्टु एवं दो गमा भाणियव्वा ॥ जे० सुब्भिगंधे पडिग्गहे लद्धे इतिकट्टु० बहुदेवसिएण सीओदगवियडेण वा जाव सा० ।१८-२३। जे नो नवए सुब्भिगंधेणवि दो चेव गमा ॥ जे दुब्भिगंधे पडिग्गहे लद्धेत्ति० दुब्भिगंधेण दो चेव गमा णेयव्वा ‘१७४’ ।२४-२९। जे भिक्खू अणन्तरहियाए पुढवीए जाव जीवपतिट्ठिते सअंडे जाव ससंकमणंसि चलाचले सपडिग्गहं आयावेज्ज वा पयावेज्ज वा आया० पयावंतं वा सा० ।३०-४०। एवं जे० कुलियंसि वा जाव लेलुयंसि वा सपडिग्गहं आया० पया० साइ० ।४१। जे० खंधंसि जाव पासायंसि वा अन्नयरंसि वा अंतरिक्खजायंसि सपडि० ‘१७९’ ।४२।० पडिग्गहाओ पुढवीकायं आउकायं तेउकायं नीहरइ नीहरावेइ नीहरियं आहट्टु देज्जमाणं पडिग्गाहेइ पडिग्गाहंतं वा सा० ।४३।० कंदाणि वा मूलाणि वा पत्ताणि वा पुप्फाणि वा फलाणि वा बीयाणि वा० ।४४।० ओसहिबीयाइं० ।४५।० तसपाणजायं० ‘१९५’ ।४६। जे भिक्खू पडिग्गहं णिक्कोरेइ णिक्कोरावेइ णिक्कोरियं आहट्टु देज्जमाणं पडिग्गाहेइ पडिग्गाहंतं वा सा० ‘२००’ ।४७। जे भिक्खू नायगं वा अनायगं वा उवासगं वा अणुवासगं वा गामन्तरंसि वा गामपहन्तरंसि वा पडिग्गहं ओभासिय २ जायइ जायंतं वा सा० ।४८।० अणुवासगं वा परिसामज्झाओ उट्टुवेत्ता० ‘२१३’ ।४९। जे भिक्खू पडिग्गहगनीसाए उडुबद्धं वसइ वसंतं वा सा० ।५०।० वासावासं० ‘२१७’ तं सेवमाणे आवज्जइ चाउम्मासियं परिहारट्टाणं उग्घाइयं **☆☆☆ ५१॥ चउद्दसमो उद्देसओ १४॥** **☆☆☆** जे भिक्खू भिक्खूणं आगाढं वयइ वयंतं वा सा० ।१। एवं फरूंसं० ।२। आगाढफरूंसं० ।३।० अन्नयरीए अच्चासायणाए अच्चासाएइ ‘२ ।४। जे भिक्खू सचित्तं अम्बं भुअइ भुंजंतं वा सा० ।५।० विडसइ विडसंतं वा सा० ।६।० सचित्तं अम्बं वा अम्बपेसिं वा अम्बभित्तं वा अम्बसालगं वा अम्बडालगं वा अम्बचोयगं वा भुअइ भुंजंतं वा सा० ।७।० विडसइ विडसंतं वा सा० ।८।० सचित्तपइट्ठियं अम्बं भुअइ०, एवं सचित्तपतिट्ठिएणवि चत्तारि आलावगा णेयव्वा ‘२५८’ ।९-१२। जे भिक्खू अन्नउत्थिएण वा गारत्थिएण वा अप्पणो पाए आमज्जावेज्ज वा पमज्जावेज्ज वा आ० प० सा० एवं तइयउद्देसगमओ णेयव्वो जाव सीसदुवारियं. जे गामाणुगामं दुइज्जमाणे अन्नउत्थिएण वा गारत्थिएण वा अप्पणो सीसदुवारियं कारवेइ कार० सा० ।१३-६५। जे भिक्खू आगन्तारेसु वा जाव महागिहंसि वा उच्चारपासवणं परिट्टवेइ परिट्टवंतं वा सा० ‘२६८’ ।६६-७४। जे भिक्खू अन्नउत्थियस्स वा गारत्थियस्स वा असणं वा० देइ देतं वा सा० ।७५।० पडिच्छइ पडिच्छंतं वा सा० ।७६।० वत्थं वा पडिग्गहं वा कंबलं वा पायपुञ्छणं वा देइ देतं वा सा० ।७७।० पडिच्छइ पडिच्छंतं वा सा० ।७८। जे भिक्खू पासत्थस्स असणं वा० देइ देतं वा सा० पडिच्छति पडि० सा०, वत्थं वा जाव पायपुञ्छणं वा देति देतं वा सा० वत्थं वा पडिच्छइ प० सा० ।७९-८२। एवं ओसन्नस्स ।८३-८६। कुसीलस्स ।८७-९०। नितियस्स ।९१-९४। संसत्तस्स ‘३०४’ ।९५-९८। जे भिक्खू जायणावत्थं वा निमन्तणावत्थं वा अजाणिय अपुच्छियं अगवेसिय पडिग्गाहेइ पडिग्गाहेन्तं वा साइज्जइ, से य वत्थे चउण्हं अन्नयरे सिया तंजहा-निच्चनियंसणिए मज्जणिए

छणुस्सविए रायदुवारिए '३९४' ।९९। जे भिक्खू विभूसापडियाए अप्पणो पाए आमज्जेज्ज वा पमज्जेज्ज वा आ० प० साति०. एवं तइयउद्देसगमेण जाव जे गामाणुगामं दूइज्जमाणे विभूसापडियाए अप्पणो पाए आमज्जेज्ज वा पमज्जेज्ज वा० सा० ।१००-१५२।० वत्थं वा पडिग्गहं वा कम्बलं वा पायपुञ्छणं वा अन्नयरं वा उवगरणजायं धरेइ धरंतं वा सा० ।१५३।० धोवइ धोवंतं वा सा० '३९८' तं सेवमाणे आवज्जइ चाउम्मासियं परिहारट्ठाणं उग्घाइयं ।१५४

☆☆☆॥

**पण्णरसमो उद्देसओ १५॥☆☆☆** जे भिक्खू सागारियं सेज्जं उवागच्छइ उ० सा० '१३३' ।१।० सउदगं सेज्जं अणुपविसइ अणुपविसंतं वा सा० '२५६' ।२।० सागणियं से० '२९३' ।३।० सचित्तं उच्छं भुंजइ एवं पन्नरसमे उद्देसे अंबस्स जहा गमो सो चेव इहंपि णेयव्वो ।४।० विडसइ० ।५।० सचित्तं अन्तरूच्छुयं वा उच्छुखंडियं वा उच्छुचोयगं वा उच्छुमेरगं वा उच्छुसालगं वा उच्छुडालगं वा भुंजइ० ।६।० विडसइ० ।७।० सचित्तपइट्ठियं उच्छं भुंजइ०, विडसइ०, अंतरूच्छुयं० '२९६' ।८-११।० आरणगाणं वणंवयाणं अडवीजत्तासंपट्ठियाणं असणं वा० पडिगाहेइ पडि० सा० '३०३' ।१२।० वुसराइयं अवुसराइयं वयइ वयंतं वा सा० ।१३।० अवसु० वसु० '४७७' ।१४।० वुसराइयाओ गणाओ अवुसराइयं गणं संकमइ संकमंतं वा सा० ।१५।० वुग्गहवक्कंताणं असणं वा० देइ देंतं वा सा० ।१६।० पडिच्छइ पडिच्छंतं वा सा० ।१७।० एवं वत्थं वा पडिग्गहं वा कम्बलं वा पायपुञ्छणं वा देइ देंतं वा सा० ।१८।० पडिच्छइ पडि० सा० ।१९। एवं वसहिवि दोहिं गमएहिं, देइ० ।२०। पडिच्छइ० ।२१।० अणुपविसइ० ।२२।० सज्झायं देइ देंतं वा सा० ।२३।० सज्झायं पडिच्छइ पडि० सा० '४९६' ।२४।० विहं (अडविं) अणेगाहगमणिज्जं अभिसंधारेइ अभि० सा० '५८४' ।२५।० विरूवरूवाइं दरुसुगायायणाइं अणारियाइं मिलक्खूइं पच्चिन्तियाइं सति लाढे विहाराए संथरमाणेसु संथरणिज्जेसु जणवएसु विहारपडियाए अभि० '६१६' ।२६।० दुग्गिच्छियकुलेसु असणं वा० पडिगाहेइ पडिगाहंतं वा सा० ।२७।० वत्थं वा पडिग्गहं वा कम्बलं वा पायपुञ्छणं वा० ।२८।० वसहिं० ।२९।० सज्झायं उद्दिसइ उद्दिसंतं वा सा० ।३०।० वाएइ वा० वा सा० ।३१।० पडिच्छइ पडि० वा सा० ।३२।० असणं वा० पुढवीए निक्खिववइ नि० वा सा० ।३३।० संथारए० ।३४।० वेहासे० '३२८' ।३५।० अन्नउत्थीहिं वा गारत्थीहिं वा सद्धिं भुंजइ भुंजंतं वा सा० ।३६।० आवेढियपरिवेढिए भुंजइ भु० वा सा० '६३८' ।३७।० आयरियउवज्झायाणं सेज्जासंथारगं पाएणं संघट्टेत्ता हत्थेण अणणुन्नवेत्ता धारयमाणे गच्छइ गच्छंतं वा सा० '६४२' ।३८।० पमाणइरित्तं वा गणणाइरित्तं वा उवहिं धरेइ धरंतं वा सा० '७४७' ।३९।० अनन्तरहियाए पुढवीए चलाचले उच्चारपासवणं परिट्ठवेइ परिट्ठवंतं वा सा० (जाव खंधंसि०) '७४९' तं सेवमाणे आवज्जइ चाउम्मासियं परिहारट्ठाणं उग्घाइयं ।४०-५०

**☆☆☆॥ सोलसमो उद्देसओ ।१६॥☆☆☆** जे भिक्खू कोऊलहल्लपडियाए अन्नयरं तसपाणजायं तणपासएण वा जाव सुत्तपासएण वा बंधइ बंधंतं वा सा० ।१।० बद्धेल्लगं वा मुयइ मुयंतं वा सा० ।२।० तणमालियं वा जाव हरियमालियं वा पिणद्धइ० करेइ करेतं वा सा० धरेइ ध० वा० '८' ।३-५।० अयलोहाणि वा जाव सुवण्णलोहाणि वा करेइ करेतं वा सा० धरेइ धरंतं वा सा० '१०' ।६-८।० हाराणि वा जाव सुवण्णसुत्ताणि वा क० ध० परिभुअइ प० सा० '११' ।९-११।० आइणाणि वा जाव आभरणविचित्ताणि वा करेस करेतं वा सा० धरेइ ध० सा० परिभुंजइप० सा० '१४' ।१२-१४। जा निग्गन्थी निग्गन्थस्स पाए अन्नउत्थिएण वा गारत्थिएण वा आमज्जावेज्ज वा एवं ततिओद्देसगमेण णेयव्वं जाव जा निग्गन्थी निग्गन्थस्स गामाणुगामं दुइज्जमाणस्स अन्न० गार० सीसदुवारियं कारवेइ० ।१५-६७। जे निग्गन्थे निग्गन्थीए पाए अन्नउत्थिणीए वा गारत्थिणीए वा आमज्जिज्ज वा जाव सा० एवं मग्गिल्लगमयसरिसं णेयव्वं जाव निग्गन्थीए गामाणुगामं दूइज्जमाणीए अन्न० गा० सीसदुवारियं कारवेइ० '२८' ।६८-१२०। जे निग्गन्थे निग्गन्थस्स सरिसगस्स सन्ते ओवासे अन्ते आवासं न देइ नदेतं वा सा० ।१२१। जा निग्गन्थी निग्गन्थीए सरिसियाए जाव साइज्जइ '४६' ।१२२। जे भिक्खू मालोहडं असणं वा० देज्जमाणं पडिग्गाहेइ प० सा० ।१२३।० कोट्टाउत्तं असणं वा० उक्कुज्जिय निकुज्जिय० ।१२४।० मट्ठिओलित्तं असणं वा० उब्भिंदिय निब्भिंदिय० '५५' ।१२५। जे भिक्खू असणं वा० अन्नयरं पुढवीपइट्ठियं पडिग्गाहेइ० ।१२६। एवं आउप० ।१२७। तेउप० ।१२८। वणस्सइकायप० '६२' ।१२९। जे भिक्खू अच्चसिणं असणं वा० सुप्पेण



वा विहुणेण वा तालियण्टेण वा पत्तेणं वा पत्तभङ्गेण वा साहाए वा साहाभङ्गेण वा पेहूणेण वा पेहूणहत्थेण वा चेलेण वा चेलकण्णेण वा हत्थेण वा मुहेण वा फुमिक्ता वा वीइत्ता वा आहट्टु देज्जमाणं पडिग्गाहेइ प० सा० १३०।० असणं वा० उसिणुसिणं पडिग्गाहेइ प० सा० १३१।० उस्सेयणं वा संसेयणं वा चाउलोदगं वा वारोदगं वा तिलोदगं वा तुसोदगं वा जवोदगं वा भुसोदगं वा आयामं वा सोवीरं वा अम्बकअियं वा सुद्धवियडं वा अहुणाधोयं अणंबिलं अपरिणयं अवक्कन्तजीवं अविद्धत्थं पडिग्गाहेइ प० सा० '७४' १३२।० अप्पणो आयरियत्ताए लक्खणाइं वागरेइ वागरंतं वा सा० '८४' १३३।० गाएज्ज वा वाएज्ज वा नच्चेज्ज वा अभिणएज्ज वा हयहेसियं हत्थिगुलगुलाइयं उक्कुट्टसीहनायं वा करेइ करंतं वा सा० १३४।० भेरीसद्दाणि वा पडह० वा मुख० वा मुइंग० वा एवं नंदि० वा झल्लरि० वा वल्लरि० वा डमरूग० वा मड्डय० वा सद्दुय० वा पएस० वा गोलुइ० वा अन्नयराणि वा तहप्पगाराणि वितयाणि सद्दाणि कण्णसोयपडियाए अभिसंधारेइ अ० सा० बारसमउद्देसगमेण पेयव्वं १३५।० वीणासद्दाणि वा विपञ्चि० वा तूण० वा ववीसग० वा वीणाइय० तुंबवीणा० वा झो (पों) इय० वा ढंकुणस० वा अन्नयराणि वा तहप्पगाराणि वितयाणि सद्दाणि० १३६।० तालसद्दाणि वा कंसताल० वा लत्तिय० वा गोहिय० वा मकरिय० वा कच्छभि० वा महइ० वा सणालिया० वा वा वालिया० वा अन्नयराणि सा तहप्पगाराणि झसिराणि० १३७।० संखसद्दाणि वा वंस० वा वेणु० वा खरमुहि० वा परिलि० वा वेच्चा० वा अन्नयराणि वा तहप्पगाराणि झसिराणि० '९३' १३८।० वप्पाणि वा फलिहाणि वा जाव इह (पर) लोइएसु वा सद्देसु जाव अज्झोववज्जेमाणं वा सा० '९४' तं सेवमाणे आवज्जइ चाउम्मासियं परिहारट्टाणं उग्घाइयं १३९-१५१ ☆☆☆ || सत्तरसमो उद्देसओ १७॥ ☆☆☆ जे भिक्खू अणट्टाए नावं दुरूहइ दुरू० सा० १।० नावं किणइ किणावेइ कीयमाहट्टु दिज्जमाणं दुरूहइ दुरूहंतं वा सा० एवं जो चोद्दसमे उद्देसे परिग्गहगमो सो पेयव्वो जाव अच्छेज्जं, णवरं दुरूहत्ति भणियव्वं १२-५।० थलाओ नावं जले ओकसावेइ ओ० सा० ६।० जलाओ नावं थले उक्कसावेस उक्क० सा० ७।० पुण्णं नावं उस्सिअइ उ० सा० ८।० सन्नं नावं उप्पिलावेइ उप्पि० सा० ९।० पडिणावियं कट्टु नावाए दुरूहइ दु० सा० १०।० उड्डगामिणिं वा नावं अहोगामिणिं वा नावं दुरूहइ दु० सा० ११।० जोयणवेलागामिणिं वा अद्धजोयणवेलागा० वा नावं दु० दु० सा० १२।० नावं आकसावेइ ओकसावेइ खेवावेइ रज्जुणा वा कड्डइ० १३।० नावं आलित्तएण वा पप्फिएण वा वंसेण वा वलेण वा वाहेइ वा० वा० १४।० नावाओ उदगं भायणेण वा पडिग्गहेण वा मत्तेण वा नावाउस्सिअणेण वा उस्सिअइ उ० सा० १५।० नावं उत्तिगेण उदगं आसवमणिं उवरूवरिं कज्जलमाणिं पेहाय हत्थेण वा पाएण वा आसत्थपत्तेण वा कुसपत्तेण वा मट्टियाए चेलकण्णेण वा पडिपीहेइ प० सा० १६।० नावागओ तावागयस्स असणं वा० पडिग्गाहेइ प० सा० '३०' एतेण गमेण णावागओ जलगतस्स णावागतो पंकगयस्स णावागतो थलगतस्स, एवं जलगएणवि चत्तारि पंकगएणवि चत्तारि थलगएणवि चक्षारि गमा पेयव्वा १७-३२।० वत्थं किणइ किणावेइ कीयमाहट्टु दिज्जमाणं पडिग्गाहेइ प० सा०, एवं चोद्दसमे उद्देसे पडिग्गहए जो गमो भणिओ सो चेव इहंपि वत्थेण पेयव्वो जाव वासावासं संवसइ संव० सा० नवरं णिक्कोरणं नत्थि '३१' तं सेवमाणे आवज्जइ चाउम्मासियं परिहारट्टाणं उग्घाइयं १३३-८८ ☆☆☆ || अट्ठादसमो उद्देसओ १८॥ ☆☆☆ जे भिक्खू वियडं किणइ किणावेइ कीयं आहट्टु देज्जमाणं पडिग्गाहेइ प० सा० १। एवं पामिच्चेति पामिच्चावेति पामिच्चियमिति० २।० परिवट्ठति परियट्ठावेति परियट्ठियमिति० ३।० अच्छेज्जं अनिसट्ठं अभिहडं० ४। जे भिक्खू गिलाणस्सट्टाए परं तिण्हं वियडदत्तीणं पडिग्गाहेइ प० सा० ५।० वियडं गहाय गामाणुगामं दुइज्जइ दू० सा० ६।० वियडं गालेइ गालावेइ गालियं० '२६' ७।० चउहिं संझाहिं सज्झायं करेइ करंतं वा सा० तं०-पुव्वाए संझाए पच्छिमाए संझाए अवर (मज्झ) णहे अड्डरत्ते ८।० कालियसुयस्स परं तिण्हं पुच्छाणं पुच्छइ पु० सा० ९।० दिट्ठिवायस्स परं सत्तण्हं पुच्छाणं पुच्छ पु० सा० '३६' १०।० चउसु महामहेसु सज्झायं करेइ करंतं वा सा० तं०-इन्दमहे खंदमहे जक्खमहे भूयमहे ११। चउसु महापाडिवएसु सज्झायं करेइ करंतं वा सा० तं०- सुगिम्हियापाडिवए आसाढीपा० भद्दवय (इन्दमह) पा० कत्तियपा० १२।० पोरिसिं सज्झायं उवाइणावेइ उवा० सा० १३।०

चाउक्कालं सज्झायं करेइ नक० सा० '४६'।१४।० असज्झाइए सज्झायं करेइ क० सा०।१५।० अप्पणो असज्झाइए सज्झायं करेइ क० सा० '१५२'।१६।० हेट्टिल्लाईं समोसरणाइं अवाएत्ता उवरिल्लाईं समोसरणाइं वा० वा० वा सा०।१७।० नव बंभचेराइं अवाएत्ता उवरिमसुयं वाएइ वा वा० सा० '१६९'।१८।० अवत्तं वाएइ वा० सा०।१९।० वत्तं न वाएइ नवा० सा०।२०।० अपत्तं वाएइ वा० सा०।२१।० पत्तं न वाएइ नवा० सा० '२१५'।२२। दोण्हंपि सरिसगाणं एक्कं संचिक्खावेइ एक्कं न संचिक्खावेइ एक्कं वाएइ एक्कं न वाएइ नवा० सा० '२२१'।२३।० आयरियउवज्झाएहिं अविदिन्नं गिरं आइयइ आइ० सा०।२४।० अन्नउत्थियं वा गारत्थियं वा वाएइ वा० वा सा०।२५।० पडिच्छइ प० सा०।२६।० एवं पासत्थं ।२७-२८। ओसन्नं ।२९-३०। कुसीलं ।३१-३२। नितियं ।३३-३४। संसत्तं '२४३' तं सेवमाणे आवज्जइ चाउम्मासियं परिहारट्टाणं उग्घाइयं ।३५-३६ ☆☆☆॥ एगुणवीसइमो उद्देसओ १९॥☆☆☆ जे भिक्खू मासियं परिहारट्टाणं पडिसेवित्ता आलोएज्जा अपलिउंचियं आलोएमाणस्स मासियं पलिउंचियं आलोएमाणस्स दोमासियं, एवं ववहारपढमुद्देसगमो णेयव्वो जाव दस गमा समत्ता एगत्तसो बहुत्तसोवि जाव सव्वमेवं सकयं एगओ साहणित्ता जाए य पट्टवणाए पट्टविए निव्विसमाणए पडिसेविज्जा सावि कसिणा तत्थेव आरूहेयव्वा सिया '३०९'।१-२२।० छम्मासियं परिहारट्टाणं पट्टविए अणगारे अंतरा दोमासियं परिहारट्टाणं (२४०) पडिसेवित्ता आलोएज्जा अहावरा वीसइराइया आरोवणा आइमज्झावसाणे सअट्ठं सहेउं सकारणं अहीणमइरित्तं तेण परं सवीसइराया दो मासा ।२३।० पञ्चमासियं० एवं चाउम्मासियं० एवं तेमासियं० एवं सोमासियं० मासियावि० जाव सवीसराइया दो मासा ।२४-२८।० सवीसराइयं दोमासियं परिहारट्टाणं पट्टविए अणगारे० तेण परं दसराया तिण्णि मासा ।२९।० सदसरायतेमासियं परिहारट्टाणं जाव तेण परं चत्तारि मासा ।३०।० चाउम्मासियं परिहारट्टाणं जाव तेण परं सवीसराइया चत्तारि मासा ।३१।० सवीसराइयं चाउम्मासियं परिहारट्टाणं जाव तेण परं सदसराया पञ्च मासा ।३२।० सदसरायं पञ्चमासियं परिहारट्टाणं जाव तेण परं छम्मासा ।३३।० छम्मासियं परिहारट्टाणं पट्टविए अणगारे अन्तरा मायिसं परिहारट्टाणं पडिसेवित्ता आलोएज्जा अहावरा पक्खिया आरोवणा आइमज्झावसाणे सअट्ठं सहेउं सकारणं अहीणमइरित्तं तेण परं दिवड्ढो मासो ।३४।० एवं पञ्चमासियं चाउम्मासियं तेमासियं दोमासियं मासियं परिहारट्टाणं पट्टविए अणगारे० दिवड्ढो मासो ।३५-३९।० दिवड्ढमासियं परिहारट्टाणं पट्टविए अणगारे अंतरा मासियं० दो मासा ।४०। दोमासियं परिहारट्टाणं पट्टविए अणगारे० अइढाइज्जा, एवं एत्तो पक्खे २ आरोवेयव्वो जाव छम्मासा पुण्णत्ति ।४१। (०दोमासियं परिहारट्टाणं पट्टविए जाव तेणं परं अइढाइज्जा मासा ।४१।०) अइढाइज्जमासियं परिहारट्टाणं पट्टविए अणगारे० तिण्णि मासा ।४२।० तेमासियं परिहारट्टाणं पट्टविए अणगारे० अद्धट्टा मासा ।४३।० अद्धट्टमासियं परिहारट्टाणं पट्टविए अणगारे० चत्तारि मासा ।४४।० चाउम्मासियं परिहारट्टाणं पट्टविए अणगारे० अइढपञ्च मासा ।४५।० अइढपञ्चमासियं परिहारट्टाणं पट्टविए अणगारे० पञ्च मासा ।४६।० पञ्चमासियं परिहारट्टाणं पट्टविए अणगारे० अद्धछट्ट मासा ।४७।० अद्धछट्टमासियं परिहारट्टाणं पट्टविए अणगारे० छम्मासा ।४८।० दोमासियं परिहारट्टाणं पट्टविए अणगारे अन्तरा मासियं परिहारट्टाणं पडिसेवित्ता आलोएज्जा अहावरा पक्खिया आरावणा जाव तेण परं अइढाइज्जा मासा ।४९।० अइढाइज्जमासियं परिहारट्टाणं पट्टविए अणगारे अन्तरा दोमासियं परिहारट्टाणं पडिसेवित्ता आलोएज्जा अहावरा वीसइराइया आरोवणा० तेण परं सपञ्चराया तिण्णि मासा ।५०। सपञ्चरायं तेमासियं परिहारट्टाणं पट्टविए अणगारे अन्तरा मासियं परिहारट्टाणं पडिसेवित्ता आलोएज्जा अहावरा पक्खिया आरोवणा जाप तेण परं सवीसइराया तिण्णि मासा ।५१। सवीसइरायं तेमासियं परिहारट्टाणं पट्टविए अणगारे अन्तरा दोमासियं परिहारट्टाणं पडिसेवित्ता आलोएज्जा अहावरा वीसइराइया आरोवणा० तेण परं सदसराया चत्तारि मासा ।५२। सदसरायं चाउम्मासियं परिहारट्टाणं पट्टविए अणगारे अन्तरा मासियं परिहारट्टाणं पडिसेवित्ता आलोएज्जा अहावरा पक्खिया आरोवणा० तेण परं पञ्चूणा पञ्च मासा ।५३। पञ्चूणं पञ्चमासियं परिहारट्टाणं पट्टविए अणगारे अन्तरा दोमासियं परिहारट्टाणं पडिसेवित्ता आलोएज्जा अहावरा वीसइराइया आरोवणा० तेणं परं अद्धछट्टा मासा ।५४। अद्धछट्टं मासियं परिहारट्टाणं पट्टविए अणगारे अन्तरा मासियं परिहारट्टाणं पडिसेवित्ता आलोएज्जा अहावरा पक्खिया आरोवणा० तेण परं छम्मासा '३६९'।५५। उपसंहारः '४२५' क्कक्क ॥

श्रीनिशीथच्छेदसूत्रं ? क्कक्क